



Spaltung Der Augspurgischen Confession, durch die neuen und streitigen Theologen, : mit kurtzer Widerlegung der unbeständigen Lere derselben. Item, Mit ingefu?hrte hindertreibung der vilfaltigen und unerfindtlichen schmehe, ermelter Theologen, wider die Catholischen, Auch welche parthey die Trennung des angestellten Colloquii zu Wormbs verursacht habe.

<https://hdl.handle.net/1874/423694>

see

7

Spaltung

Der Augspurgischen Confession /
durch die newen vnd streitigen Theolo-
gen / mit kurtzer Widerlegung
der vnbeständigen lere
derselben.

Item /

Die ingeführte hindertreibung der
vilfaltigen vnd vnerfindlichen schmehe / ex-
melter Theologen / wider die Catholischen /
Nuch welche parthey die Trennung
des angestellten Colloquij zu
Wormbs verursacht
habe.

1557.

Spaltung

Der Hauptbestandteil des
durch die Wirkung der
Sonne und der Luft
entstandenen
Sauerstoffs

ist

der Sauerstoff
welcher aus dem
Wasser durch die
Wirkung der
Sonne entsteht
und sich
als Gas

1227

BART. LATOMVS
Petro Canisio Theologo, S.

EDidi tandem quod iam dudum à me expectasti, uel certe effudi uerius quam pro iusta maturaq; diligentia, ut in re tãta edidi, propter occupatiões aulicas quibus assidue interpellatus fui. Quanquam si quid infra opinionem, tibi imputato, alijsq; ex nostris, qui hoc quicquid est oneris propter grauiores functiones uestras in me reieciſtis. Nam mihi sanè accidisse fateor, id quod auunt, boui clitelæ, cum uel tu ipse in primis, uel alius etiam quilibet ex uestris hoc melius dexteriusq;, in re tam seria offensaq; præstare potuisset. Sed parendum fuit, & studio uestro tam pio seruendum. Cæterum pauca hic de Colloquio, propter religionem silentij, ut nosti, cætera ferè omnia in confutatione doctrinæ quasi obiter & super certis duntaxat, tametsi præcipuis articulis, consumpta sunt, ut impleretur libellus. Omnia enim persequi neq; instituti huius neq; exiguæ facultatis meæ fuit. Vernaculo sermone usus sum, quò res cognoscatur à pluribus, & quia criminatio Aduersariorum, quæ huic defensionis causam dedit, eodem sermone exijt. Nomen meum inscribere primum addubitau, ne nomen

captare uiderer, tum quia non meam, sed publicam cau-
sam ago, sed ne parum tamen constanter agere, & se
quisquam ex insidijs appeti queratur, retexi faciem, &
qui sim hac saltem ad te Epistola indicauit. Illud interim
omnibus notum esse uolo, nullo mihi cum homine alio,
uno pluribusue, cuiuscunq; gradus uel professionis fue-
rint, causam hic esse, quam cum his, qui se profitentur
Theologos Augustanae confessionis, eandemq; tam
male & inconstanter defendunt, & appetunt nostros
immodestius, & cum eisdem bellum infestum,
non superbe minus quam impotenter
gerunt. Vale xxix. De-
cembris 1557.

Spal-

Spaltung der Augspurgischen Con-
fession / durch die neuen vnd streitigen Theo-
logen / mit kurtzer widerlegung der vnbes-
tendigen lere derselben.

Item /

Mit ingefürte hindertreibung der vielfäl-
tigen vnd vnerfindlichen schmehe ermelter
Theologen / wider die Catholischen / Auch
welche parthey die Trennung des ange-
stellten Colloquij zu Wormbs
verursacht habe 1557.



S haben die Wittenbergisch-
en Theologen / als sie jüngst von
Wormbs abgezogen / ein schrei-
ben von dem Abschiedt daselbst
im Druck außgehen lassen / in
welchẽ sie sich gern entschuldig-
ten / vñ den vnglimpff des zertrenten gesprechs /
vff die Theologen der alten Religion wenden
wolten / Nämlich als solten ermelte Theologen
der alten Religion / listiger weise dahin ge-
tracht haben / wie sie möchten ein trennung fin-

A iij den

den / damit sie ein vrsach haben möchten / das
Colloquium vnd Gespräch abzuschneiden zc. mit
weiterer außführung vnnnd angehöretter erma-
nung an die leuthe / vnd sonderlich an ihre Kirchs-
en (wie sie die nennen) das sie die wunden / das
ist / den spott vnd ergernuß der trennung vnder
inen selbst / durch falsche deutung vnnnd vnnötig
gezenc mit grösser machen wölten zc. Alles das
hin gericht / das man des streits vnnnd gezencs
zwischen inen vnd iren mit Confession verwan-
ten / welche sie vom Colloquio außgeschlossen /
vergessen vnd nit achten / inen auch kein schuldt
des verhinderten Gesprächs zümessen / sonder
sie allein für die rechten waren Gottes gelerten /
vnnnd die Christliche Kirch (wie sie dann auch
außtrücklich setzen dörfen) vñ die andn alle für
verdampfte / irrige / sectische / Ketzer halten solt.

Vnnnd möchte zware solche verwundte
entschuldigung wol ohne allen nachtheil in
Windt geschlagen / vnnnd mit dem wenigsten
wort nit widerfochten werden / welche also ge-
schaffen / das sie iren schaden vñ gebrechen selbst
entdeckt / vnnnd allen verstendigen wol züuerne-
men gibt / mit was vnbestendiger Lehr sie die
newe Euangelischen biß anher vmbgangen /
vnd gegen die ware alte Catholische lehr vnnnd
Religion /

Religion / mit weniger dann 40. Jar lang ge-
stritten / die leute von schuldigen gehorsam der
Kirchen / vnd von altem löblichem Christlichem
wesen abgewendt / die sachen nu mhezulest das
hingeführt / das sie selbst streitig worden / vnd
sich mit ihren mit Religions verwanten keyns
wegs vergleichen künden.

Diweil sie sich aber noch selbst nit kennen /
vnd ihrer faulen vnheylbaren wunden vnges-
acht / andere leut vngütlich / eins theils mit ver-
deckten schmechaffrigen worten / die anderen of-
fentlich / antastten / vnd sonderlich die der alten
Religion / welche sie als Vertheydinger offent-
licher Abgötterey / ganz vnmildt / vnd ihrer ey-
gen gewissen zugewen / beschuldigen / sich allein
für Prophetisch vnd Apostolisch / alleyn der
rechten wahren Kirchen Gottes / vnd sonst
niemandts / halten vnd behütten / kan inen
solchs mit nichten stillschweigendt ingeraumt
vnd nachgeben werden / sonder fordert die notz
turfft / sich also gegen inen mit gebürlicher ant-
wort vernemen zulassen / das sie gedendten wer-
sie seien / woher sie kommen / vnd was das ende
srer vn begründter lere sein werde. Dann das sie
meynen sie seien allein / es verstehe die Schrift
niemandts dann sie / man muß alles glauben /

was sie schreiben vnd predigen/als wann ander
re leute alle Stöck/Plöcher/vnd taube Hölzer
weren/das ist ein solche vermessenheit/welche
auch der Türcke/jader Teuffel selbst/mit leiden
kündt. Derhalben möchten sie wol etwas sittiz
ger faren/vnd gedendcken/das sie auch menschen
sein/vnnd irren mögen/wie dann von anfang
der Kirchen vielen Hochgelerten vnd trefflich
en leuten/wider faren ist/welche sich gleichfals
in irem eygnen sinne vnd klugheit gesteiſſet/an
dere leuthe verachtet/vnnd zuletzt durch eygen
fände vnd newe lehr/mit bedrübung der Kir
chen dahin gerathen/das sie hie der Welt zu
spott/vnd dort villeicht zu ewiger straff/in die
handt Gottes gefallen sein. Nu von solchem al
lem/vnnd erstlich vom Colloquio auß was vr
sachen/vnnd durch welche parthey dasselb zer
stört sey/doch in der kürze/vnnd weiters nit/
dann was ohne das vielen kündtlich vnd offen
bar ist/damit allermeniglich der warheit be
richt/vñ dē Abschiedt nit zugegen gange werde.

Narratio. Die Röm. Kön. Maiest. vnnd gemeyne
Reichsstende haben vff jüngstem Reichstag zu
Regenspurg ein freuntlich gesprech zu Wormbs
angestellt/zwischen den Gelerten der alten Ca
tholischen Religion/ahn einem/vnd der Aug
spurgischen

spurgischen Confession verwanten / am andert
theil / aller andern Religion vnnnd Secten auß
geschlossen / haben auch gewölt das solch Ge
sprech freuntlich vnnnd vertrewlich / ohne allen
vberflus / zand / vnd heffigkeit / gehalten wer
den solt.

Nhu ist die Augspurgische Confession /
welche der Key. Maie. im Jar 30. der mindern
zale / durch etlich Stende vbergeben / von der
selben zeit her bey etlichen vielen Articuli geen
dert / die lere derselben durch aller hand schriff
ten in gegensin verkeret / auch in geschlichner
weise mit vielen andern newen Secten ver
mischt worden / Also das man nit wol wissen
kan / auch die Confessionisten vnder sich selbst
streiten / welchs die rechte Augspurgische Con
fession sey / oder nit. Dann etlich auß jnen wöls
len die Zwinglisch vnd Caluinisch lere / welche
offentlich Sacramentarisch ist / solle nit für
Sectisch gehalten / sonder beneben vnnnd vnder
der Augspurgischen Confession passiren mö
gen / welche auch etlich mal im Druck also geen
dert vnd corrigiret ist / das dieselbe lere wol vnd
füglich darunder verdeckt werden mag. Die
andern aber / welche man die Sachsischen nenn
et / vnnnd dem Luther am nechsten anhangen /
B mögen

Sectæ.

mögen/die Sacramentariſchen gar nit leiden/
dweil der Luther ſelbſt in ſeinem leben dieſelben
verfolget/vnd wider ſie geſchrieben hat / vnn
halten alſo ermelte Secten vor verdampte /
ſchlieſſens auß von der Confession/vnn mö
gens keyns wegs leiden. Gleichfalls ſein auch
andere mehr Secten / welche ſich gleicher ge
ſtalt der Augſpurgischen Confession anmaſſen/
als Oſiandriſten/Schwendfeldiſten/Serne
tiſten/Flaccianiſten/Maioniſten/vnder wel
chen die Adiaphoriſten vnd Antiadiaphoriſten
auch begriffen werden. Welche ob ſie wol des
mehrern theyls iren vrsprung auß der Augſpur
gischen Confession haben/ſo ſein ſie doch der
ſelben Opinion vnd Lehr durch auß nit/ſonder
haben ire ſondere Köpff/vnd künden ſich auch
vnder ſich ſelbſt keiner mit dem andern verglei
chen. Dann etlich forderen gute werck zur ſe
ligkeit/die andern verwerffens gar / als eytel
Todtſünden / Etlich ſagen der glaub allein
mach vns gerecht vor Gott / Die andern thun
die liebe dar zu. Auß denſelben wollen etlich/die
gerechtigkeit ſey vnn wohne in vns / wann
wir gerechtfertigt werden / Die andern ſagen/
es ſey kein andere gerechtigkeit/dann alleyn die
gerechtigkeyt Chriſti / welche in vns nit ſey/
ſonder

sonder bleibe bey dem Sone Gottes/allein das
wir den namen vnd sonst nichts darvon haben.
Item etlich sein daltē Samosatenischen Keze-
rey / welche das ewig wort/welches der Son
Gottes selbst ist/vonder Substantz der Gott-
heit absonderen / vñnd ein Creatur daraus
machen. Die andern setzen gar keine per-
son in der Dreyheit Gottes / kein proprietet
noch persönlich subsistentz/sonder ein bloß ein-
sam Göttlich wesen/ohne Vatter/Sone/vnd
heyligen Geist/der hellen klaren schrifft/vñdem
allgemeinen Christlichen glauben von anfang
der Kirchen/zugegen. Viel ander grober vnd
Gottloser Secten mehr möchten hie erzelt wer-
den/wannes diese schrifft leiden kündt / Es ist
aber von vñnöten/dieweil auß dem so vermelt/
gnugsam züuernemen ist / was die Augspurgis-
sche Confession/welche den Stenden im Reich
soniel zuschaffen gibt/vor ein löcherich vnd zer-
spalten werck sey/welches der erst Meyster im
3orn angelegt/die Werckleuth verderbt haben/
vnd zu lezst durch spaltung der Kunst anders
nichts dann ein Babylonischer Barwe daraus
worden ist.

Als nu das Colloquium den vierten Sep-
temb. des nechsten sieben vnd funffzigsten Jars
B ij angefang

angefangen / vnnnd man sich vermög des Abschiedts beneben der materi der streitigen Articul / der form / maß / vnd ordnung desselben verglichen / ist als baldt (doch außserhalb des gemeynen Rathes) streit vnd trennung zwüschen den Theologen der Augspurgischen Confession selbs ingefallen / nämlich / das ein theil / welche man die Sachischen nennet / etlich Secten mit namen verdammen / vnnnd von der Confession außschliessen . Die andern aber / welche die Wittenbergische genent werden / solchs keyns wegs thun noch zulassen wolten / Vnnnd als in solchem streit die Sachischen bestendig blieben / sein sie durch die Wittenbergischen vom Colloquio außgeschlossen / daruff auch hinweg gezogen / vnd also das Gespräch getrent worden .

Dif ist der warhafftig bericht des zertrenten Colloquiums / welchen mit warheyt niemandts widersprechen kan . Auß welchem auch klarlich erscheint / welche parthey ursach zur trennung geben habe / vnd wie dieselbe auch daruff gefolgt sey . Wie aber solches alles ergangen / vnnnd was hin vnd wider / in / vnd außserhalb des gemeynen raths gehandelt / last sich hienit melden / ehe vnd züvor / vermög des Abschiedts / den Stenden Relation geschehen sey .

Diesem

Diesem ihu allem nach / Freuntlicher güt-
herziger Leser / dieweil die sach also / wie ver-
meldt / vnnnd anders nit ergangen ist / were dem
gegentheil wol vberblieben / ein solche Schrifft
ausgehen zulassen / welche nit allein an jr selbst
one allen grundt ist / sonder auch andern leuten
zü vnglimpff vnnnd nachtheil reycht / als solten
die der alten Religion fein mit listen (wie im an-
fang gemeldt) darnach getracht haben / wie sie
durch gesuchte vrsach das Colloquium abschnei-
den möchten. Dann ist diese lägen ware / das
man durch list (wie der gegentheil fürgibt) hat
müssen dem Colloquio entweichen / warumb
haben dann die Stende der alten Religion in
solch Colloquium gewilliget / in welchem die
iren nit besteen möchten? Haben sich dann
derselben Theologen / wie ihr gern sagen wolt /
geförcht / vnnnd besorgt sie würden gegen den
newen Hochschrifftgelerten nit allein nichts er-
halten / sonder auch vō inen vberwunden wer-
den / warumb haben sie sich dann zü Wormbs
dargestelt? Iha / warumb sein sie (der mehrer
theil) so vern her dahin kommen? Sein sie da
hin gedungen worden? von weme? Warumb
sein sie dann nit alle erschienen? Ich ken etlich /
welche die Röm. Kön. Maieft.

B iij male

Reprä-
henlio.

salopin
wasche
zutrag
von 18
1110 2

Iniquitas
aduerfa-
riorum
& arro-
gantia.

male beschreiben lassen / vnnnd doch nit kommen
sein / nit / das sie die alte wahre Christliche Ca-
tholisch Religion nit zuuertheydingen wusten /
sonder das sie der newen Theologen weise vnnnd
sitten wol erfahren hatten / Nämlich / das sie mit
newer vnzulessiger wehre vff die bane kommen
würden / selbst Kläger vnnnd Richter sein wöl-
len / die Schrifft auflegen nach ihrem gefallen /
die alten Kirchenlehrer zu rück stellen / die new-
en verachten / den Geist der warheit inen allein
anhainschen / im wenigsten Articul nit weich-
en / sonder den platz allein behalten wöllen / ja
auch böse wort darzu geben / also das keine
hoffnung da were / ichts fruchtbarlichs durch
eynich Gespräch mit inen aufzurichten.

Spüchst. Warumb halt man sie dann
nit ahn / den Abschieden vnd Reichsordnungen
zugeleben? Sittig vnd freundtlich zuhand-
len / bericht zugeben vnnnd zunehmen / sich alles
vberfluß / heffigkeit / vnd schnewort / wie solchs
auch der jüngst Regenspurgisch Abschiedt (wie
oben gemeldt ist) außstrücklich mitbrengt / zu-
enthalten? Ich frag dich widerumb / Wie
kompts / das vngehorsam meyster worden ist?
Fertur equis auriga , neq; audit currus habenas.

Vnd

Vnd sagt ein ander Poet / Omnes deteriores su-
mus Licentia. Woher kompts aber / fragstur Licentia
wie? Soll man dir das Maul daruff stossen? intoleran-
Hörst du nichts predigen? Liest du nichts in jren da.
Büchlein? Sehe doch allein heruff / Ist auch
sorglicher vngehorsam / müthwilliger verach-
tung der Obigkeit / gefährlicher empörung / in
Teutsche Nation je kommen / dann innerhalb
dreissig oder vierzig Jaren? Ich schweig des
vnchristlichen vnd vn sittigen wesens / so man
allenthalben bey allen Stenden jungen vnd al-
ten sieht vnd spüret. Wer ist nu schuldig daran /
anders / dann die / so zum frieden vnd eynigkeit /
zu Brüderlicher liebe / zu aller Gottseligkeit /
das volck führen / ermanen / vnd bewegen / sol-
ten? vnd thun es aber nit / wie sie solten / ha-
auch viel auß jnen treiben das widerspiel / vnd
meynen sie haben der sachen gar wol mit gedie-
net. Wolt Gott das solche leute vns diesen Sas-
men nit gesehet hetten. Was istts dann / das man
die Oberkeit vnd Diener der alten Kirchen so
gar heffiger vnd vngütlicher weise verfolget /
schmehet / vñ verachtet / drum b sie bey der alten
Religion bleiben / vnd mit Enangelisch sein
wollen?

Diß ist / glaub du mir / recht Euangelisch sein /
nit allein die freundt / sonder auch vnser wider-
wertigen lieben / zum frieden allenthalben ra-
then vnd helffen / für vnser feinde bitten / güt-
thun denen so vns verfolgen. Da solchs nit /
sonder das widerspiel geschicht / was kan an-
ders dann vnfriedt / vngheorsam / vnd aller
verbotten eigen wil daraus volgen?

Wie? sprichstu / wolt du das Euangelium
dieser ding beschuldigen? Nit ein meyt das
Euangelium / sonder die so das Euangelium
fürwenden vn nit halten / dasselb rechter Euan-
gelischer weise nit führen / sich des frieden / Brü-
derlicher liebe / vnd gütlicher neygung gegen
allen menschen nit erzeygen / sonder allein dahin
arbeiten / wie sie ire sache vertheydingen / durch-
tringen / vnd den platz allein behalten mögen.

Soll man dann die warheit nit
predigen? Iha sag ich / man soll die warheyt nit
allein predigen / sonder auch / wo möglich / in die
leuthe gießen / dieselbe auch gegen den feinden
der rechten waren Euangelischen lere mit höch-
stem ernst handthaben.

Ist diß dann nit die warheit / da man das
Euangelium / die Prophetisch vnd Apostolisch
schrifft reyn / ausserhalb der Philosophy vnd
menschen

Menschen fagung Predigt: O wolt Gott das
solches war wäre / daß anders innerhalb vier-
zig Jahren her nichts gelert / geschrieben / noch
gepredigt worden wäre / vnd noch.

Sprichst / Ist's daß nit die selbige Schriefft /
die von vnsern Predicanten in allem irem schrei-
ben vnd leren angezogen / ingeführet / vnd alles
girt / wirdt: Mann liest doch vnd höret kein an-
dere kundtschafft vō inē. Dañ ob sie wol et wan
die alten Kirchen Lehrer melden / so ist es doch
ihre meynung nit / daß sie et wan durch dieselben
probieren wöllen / sonder ziehens allein an / als
ein nebenkundtschafft / wölcher doch vor sich
selbst nicht glaubt wirdt / sonder muß der selben
glaub vnd authoritet auch in der schriefft / vñnd
sonst niergent anders / fundiert sein. Dann die
Schriefft alleyn als das wort Gottes / ist der
recht vnd eynig grundt / vff wölchen man allein
bauwen muß vnd soll.

Du redest gar schöne vnd scheinlich von der
sachen / ich wolt das ich jetzt dir nach nottrufft
daruff antworten / vñ diese schriefft solchs leiden
möcht: Doch solt du wissen / daß ein grosser vn-
derschiedt ist zwischen der schriefft die man vffs
Papeir malet / vñnd dem lebendigen wort Gots
tes / wölches der recht innerlich vñnd warhaff-

E tig

Scriptura.

Verbum
Dei.

tig verstandt des Būchstabens ist/wōlcher nicht mit den augen gesehen/noch in die Ohren ingosfen/Sonder mit der vernunfft durch den Geyst Gottes begriffen/vnnd in das hertz ingesent wirdt/sonst müste ein jeder Jude/Türck/vnnd Ketzer/wōlcher die schrift im Buchstabenlist/dieselbe auch als baldt recht verstehen/vnd das lebendig Wort des HERRN ins hertz fassen. Solches aber ist weyt daruon/wie dan kündtlich vnnd offenbahr ist/vnnd kan nicht gesagt werden/das wōlcher den Būchstaben/oder das bestimpt vnd gepredigt wort GOTTES habe/der selbe auch zūgleich den wahren lebendigen verstandt desselben begrieffen habe. Vnd volget als baldt auch darauß/das nicht alleyn was inn der Prophetischen vnnd Apostolischen Schriefft begrieffen/das recht wahre GOTTES Wort seye/Sonder auch was jeder zeyt den Kindern Gottes/vnd beuorabe der allgemeinen versamlung der Kirchen / wōlche die eynige Braut vnd gespons Christi ist / durch den Heyligen Geyst in das hertz geben wirdt/wie dann der HERR in seinem abschiedt selbst geredt vnd versprochen hatte. Rogabo Patrem, sagt er/ & alium Consolatorem dabit vobis, vt maneat vobiscum in æternum, spiritum veritatis, quem mundus

dus

cus non potest accipere, quia non videt eum nec
nouit eum, vos autem cognoscitis eum, quia apud
vos manet, et in vobis erit. Item, Hæc locutus sum
vobis apud vos manens, paracletus autem ille, qui
est Spiritus Sanctus, quem mittet Pater nomine
meo, ille docebit vos omnia, & suggeret vobis que
cunq; dixi vobis. Et sequenti Cap: Ad hæc multa
habeo vobis dicere, sed cum venerit Spiritus para-
cletus, &c.

Was kan heller vnnnd klarer hie
aus der Schriefft bezeuget werden? dann das
GOTT sein Wort nicht alleyn in der schriefft
begrieffen habe / Sonder auch dasselb seyner
Kirchen jeder zeyt mittheylen/vnnnd sie ahn dem
selben in ewigkeyt nimmer verlassen wölle: Wie
schreiben die Aposteln So zu Hierusalem im
Concilio versamlet wahren / ahn ihre mitbrü-
der zu Antiochia vnd an andern örthen: Visum
est nobis & Spiritui Sancto, &c. Sehe / sie
sagen es hats der Heylig Geyst also sampt inen
vor gutt angesehen. Als wolten sie sagen/Es
sey ihero decret vnd bescheidt nicht / Sonder
des Heyligen Geystes / wölcher sie solcher
meynung erinnert habe. Solt dann solche
erinnerung auch das recht wahrhafftig Wort
GOTTes nicht sein? So wöle als wann es
durch insprechung desselbigen Geystes Gottes
C ij durch

durch den Propheten Esaiam/oder Hieremiam
vor 3000. Jaren geschrieben/vnd vns durch die
Kirch Gottes bezenget vnd fürgelegt worden
wäre?

Was vnderchiedts istts dann / zwischen der
Schriefft vnd dem ingesprochenem wort Got-
tes? Keyner sage ich/ so viel die beständige vn-
wandelbar warheit antrifft/dieweyl die durch
eynen mundt Gottes geht vnd gesprochen wirt.
Allein ist die Schriefft gewisser/in dem/das sie
vns allbereyt vnnnd von alters her/ vor gewisse
vnd warhafftig durch die Kirch bezenget / vor-
gelegt/beuolen vnd bestetigt ist/vnd der halben
auch nit/dann böfllicher weyse verfälscht/nach
widderprochen werden soll noch mag. Das
wort aber/So ingesprochen wirdt/wiewol es
gleichsampt ware / vnd durch denselben mundt
Gottes außgehet vnnnd empfangen wirdt/ So
mags doch in viel wege durch die so nit glauben
oder vngheorsam sein / wiederfochten/veracht
vnd nit angenhommen werden/wie dan solches
die erfahrung jeder zeyt/ auch bey dem anfangt
der Kirchen geben hat/vnd noch.

Soll ich dann/Sprichst du/dem Papst vnd
seinem hauffen so viel glauben als der schriefft?
des

des wirst du mich nimmer vberreden/ vnd solt
ich zehen male vor ein Kezer gehalten werden.
Du magst glauben was du wilt / Ich wil vnd
kan dich darzu nit dringen. Dis solt du aber ge-
wis sein/ das Gott sein Kirch/ wölch er so theu-
er durch das Blüt seins geliebte Sons erkaufft
hate/ nit verlaste/ nimmer verlassen wirdt/ auch
von anfangt bis anher (wie auch in der Bibli-
schen schriefft allenthalben klar züer sehen) nihe
verlassen hatt/ wiewol man den Propheten als
den verkündern des willen Gottes/ jeder zeit nit
wie sich gebüret/ Ja zum offtermal/ gar keinen/
oder wenig glaubens / zügestelt / sie auch jeders-
mals verfolget / vnd gar vbel mit ihnen vmb-
gangen.

Das waren Heylig Leuth/ sprichst du/ denn
solt man billich glaubt haben. Was sein aber
vnser Bapst/ Bischoff/ Pfaffen vnd Münch/
andere/ dann Gleysner vnd Phariseer? Wer ein
jeder sey wil ich nit vrtheyln/ damit ich selbst nit
geurtheylt werde. Ich wolt aber gern sehen/
das es allenthalben recht zügieng/ vnd ein jeder
sich hielt wie ers gegen Gott vnd der welt ver-
antworten kündt. Das du aber meynest / den
Sündigen oder auch Gottlosen Prelaten sampt
andern recht geordneten Dienern der Kirchen/

Prælati
Ecclesiæ.

sey man nit schuldig zū glauben noch zū gehorsamen / findest du viel einen andern bescheydt bey dem Herrn im Euangelio / da er die seinen warnt / vnd inen befiehlt / das sie den schriefft gelezten vnd Phariseern gehorsam seyen / nicht in eynem oder mehr stücken / Sonder durch auß in allem was sie inen von Ampts wegen vorhielten vnd gebütten. *Scribæ & Pharisei*, Sagt er / *qui sederunt supra cathedram Moysi, omnia que dicunt vobis facite, &c. Omnia*, Sagt der Herr / vnd nimpt nichts auß. Aber was sie thun (setzt er darzū) das solt jr nit thun / dann sie sagen wol / thuns aber selbst nicht. Vnd dis solt du verstehen / was die Prelatē gebieten Christlicher lere vnd dem wort Gottes gemess / nit auß iren eygen Köpfen / sonder nach auß weyffung vnd erklerūg der Allgemeinen Kirchen. Mit gleichen worten gebeut Gott auch Deut: 17. Durch den Moysen bey straff des todts / das das volck ohne widerrede dem Obersten Priester zur zeyt vnd den Leuiten gehorsam sey / vnd alles was die erkennen / dem selben volg thun vnd nachsetzen sollen. Wölcher gehorsam vil mehr in der Kirchen des newen Testaments statt haben solte.

Sprichst / dis gestehē wir keins wegs / das wir dem Bapst vnd seinē hauffen in der Religion

gion sachen zū glauben vnd zū gehör samen schul dig seyen. Dann Gott soll man mehr fürchten dann die menschen/ so ist auch das Wort Gots hell vnd klar an ihm selbst/ man bedarff keyner auflegung noch weysung darüber / darumb wissen wir selbst was wir glauben/ thun vnd lassen sollē/ bedörffen des Papssts/ seiner Mönch vnd Pfaffen nichts / dann sie als Gottlosen den Geyst Gottes mit haben / auch den rechten verstand der Schriefft nit erlangen mögen / dies weyl sie mit menschen lehr umbgehen/ vnd vns das rheim lauther Euangelium verderbt vnd verduncklet haben/ &c.

Diese wort lassen sich wol reden/ Insonder heyt bey denen / die von euch also beredt sein/ vñ noch täglich beredt werden. Aber war zū machen/ gehört mehr darzū/ vñ wirdt sich in ewig keyt nimmer also/ sonder viel mehe das wieder spiel erfinden. Dann hat die algemeyne Christlich Catholisch Kirch / In wölicher fußstappen die der alten Religion vō anfang getretten sein/ vnd beharlich darin blieben / den rechten verstand der Schriefft/ vnd also das ware lebens dig wort Gottes nit/ auch so viel hundert Jhar her nit gehapt/ so ist hoch zū besorgen man werz

Spiritus
Sanctus.

de dasselbe auch bey euch newen Euangelischen mit finden. Ja vil weniger dann bey so viel treflichen / Heyli. gelärten Leuthen/ wölche innerhalb Tausendt vñ mehr jaren gelebt / 8 alten Religion steedt vnd fest angehangen / dieselbe auch durch jr lehr gebessert/ erleucht/ vnd also Gott saligklich bis vff vns herbracht / vnd mit allem ernst beuohlen/ zu halten.

Den Geyst Gottes aber belangen / das wir Papisten denselben weniger haben solten/ dann ihr Euangelischen. Solt ihr wissen/ das derselb an keyne Person/ weder Prelatens/ Kirchen Dieners/ noch sonst/ gebunden ist/ wie der Heylig Cyprianus vñ nach ihm der Heylig vñnd Hochgelehrte Augustinus/ Sampt der ganzen Catholischen Kirchen / vor tausendt jaren vnd noch/ gelet vñ geschrieben haben/ Sonst wüste keyner ob er eynig Sacrament der Kirchen ihe recht empfangen hett/ oder empfangen würde/ Sonder Gott wirket eygener vnd Göttlicher krafft durch den Diener / als durch den Instrument seiner Barmherzigkeyt. Derhalbendann auch solche wirkung durch eynig vngeschickligkeyt des Dieners (so ver der selb in vñ nach ordnung der Kirchen rechtmessig zum Ampt kommen vnd verordnet ist) keines wegs geschmalert noch verhindert mag werden. Gleyche

Gleiche gestalt hat es auch mit der lehre in der
ganzen Catholischen Kirchen. Dis bezeugt die
schriffte in vil wege/vñ sondlich bey dē verworfs
fen König Saul/bey dem bestelten Weissager
Balaam/vñ dem Gottlosen Priester Caiapha/
welche wiewol sie verkerts gemüts waren/sein
sie doch durch den Geist Gottes angewegt/vnd
das wort der Prophecey in shren mundt gelegt
worden / das sie dasselb haben müssen außre
den. Derhalben meldet auch der heylig Paulus ^{Dona Spi.}
viel gaben des heyligen Geists / welche vnder ^{ritus.}
vns / nit nach verdienst der personen / sonder
nach dem willen Gottes außgetheilt werde. Es
prophetierten auch etlich/vnd trieben die Teuf
fel auß benebenden Jüngern des Herrn/welche
doch kein theil mit dem Herrn hatten / wie er
selbst sagt. Multi venient in illo die &c. Vnd war
umb anders ist solichs geschehen (wie dan noch
heut geschicht in 8 Kirchen) dan daß 8 Heylädt
8 Welt erkent/die Leut zum glauben/die Sün
der zur Buß bracht/vnd die Kirch Gottes er
bawet möcht werden: Diese gaben alle/sampt
dem glauben / seindt gemeyn in der Kirchen/
werden guten vnd bösen mitgetheilt/vñnd kan
der so in der sünden ist / die schriffte nit weniger
verstehn/auslegen/vnd das wort Gottes ver
D künden/

Charitas.

Künden/dann der so ein heylig vnd abgefondert
leben füret. Allein ist die liebe/welche vns kin-
der Gottes macht/mit Gott vereinigt vnd ab-
sondert von den kindern der finsternuß/wie der
heylig Augustinus sagt/doch ist sie nit gerecht
ohne den glauben/welcher das fundament ist/
vnd vorleuchten muß/sunst ist aller guter will/
alle gute werck/alle hoffnung vergeblich/weis-
heit/erfarung der schufft / gelten nichts/sein
ohn frucht/wo der glaub vnd die liebe nit bey-
einander sein / darumb sagt auch der heylig
Paulus zu letzt/als er von den gaben des heylig-
en Geysts/vnd von der anschawung Gottes
in künfftigem leben/geredt hat / *Nunc autem
manet fides, spes, charitas, tria hæc. Sed maior ho-
rum charitas.* Vnd damit gibt er züernennen.
Ob wol viel andere herliche gaben Gottes in der
Kirchen seien / so vbertreffen doch diese drey/
ohne welche niemandt selig werden möge.

Was künde jr nu hie sagen/warumb jr
euch selbst allein inhe/dann der alten Bapstlich-
en vnd Catholischen Kirchen glauben solt?
welche die ermelten gaben jeder zeit vberhanf-
sig gehabt / vnd noch diese stundt reichlicher
hat dann ihr. Ampt/Gewalt/Oberkeit/Regie-
rung/billicher vnd rechtmessiger ankunfft hat
dann

dann jr. Dann wo hat jr ewer Auffseher vnnnd
Predicanten her/anders/dann vom Luther:
Das Bapstumb aber hat seine Diener / An-
kunfft / vnnnd Succession derselben / von dem
Sohn Gottes vnnnd seinen nachgeordneten /
vff alle kundtschafft der schrift / vnnnd Kirchen
Histo:y gezogen. Vnd ob wol wenig villeicht
auf denselbigen sich gleichmessiger heyligkeit vn̄
Apostolischen lebens beflissen / so ist doch die
Succession da / vff welche sich der geleert Ter-
tullianus wider die Ketzer zu seiner zeit / auch
gründet / welche nit verneint / noch einiges an-
dern Orts sein noch ernent werden mag. Vnd
muß also die authoritet / gewalt / regierung /
schrift / verstand / vnnnd auflegung derselben /
auch demnach das recht wort Gottes / bey der
alten herkommenden Bapstlichen Kirchen sein /
oder du wirst mir sunst diese dinge alle mit
grundt in der ganzen Welt niergen anzeigen
mögen. Vnd dis sey gesagt von dem Geist Got-
tes vnnnd seinen gaben / welche er zugleich guten
vnnnd bösen auftheilt in der Kirchen.

Das ander / welches du nit leiden magst / ist
dis / dz ich gesagt hab / diese Kirch der alten Ke-
ligion / welche jr dz Bapstumb nennet / sey in die
füßstappen d̄ altē Apostolischē Kirchē getrettē.

Successio
Ecclesia-
stica.

D ij. Dis

Diß mußtú bekennen auß demselben gründt /
welcher erst angeregt ist. Oder sag mir / ist kein
Succession vorhanden / wo daß vnd wannhe
die erste Apostolisch Kirch vffgehört habe /
vnd wo sie blieben sey? dann es kan die schrifft
nit liegen / in welcher an vielen orten außdruck
lich gesagt wirt / der Sone Gottes werde in
ewigkeit herschen / er werde vff dem stul David
seins Vatters sitzen / vnd seins Reichs werde
kein ende sein. Ist dann nit die Kirch das Reich
Gottes? welche der Herr selbst so offft vnd viel
in Euangelio das Reich der Himmel nennet?
vnd durch gleichnussen irrdischer ding vns hie
vff Erden fürgebildet hat? Was kanstu herzu
sagen / das du nit bekennen solst / diese Kirch /
in welcher wir jetz im leben / vnd vnser Voräl
tern für vns gewesen sein / sey eben dieselbe Apo
stolisch Kirch / welche für 1500. Jaren gewesen
ist / in welcher füßstappen die nechsten nach den
Aposteln getretten / vnd dann die nechsten nach
denselben auch in derselben füßstappen / vnd al
so für vnd für / biß die Succession vff vns ist
kommen? Ist diß dann dieselbe Kirch nit / so
sag mir was dir daran mangle? Die Aposteln
sagstu / vnd die so nechst nach ihnen sindt kom
men / waren heylige leut / thäten Mirackel / gas
beit

den jr güt den Armen. Ich frag hie nit wie heylig ein jeder sey/wie er lebe/wes ihm für gaben mitgetheilt seien/wie oben gemelt ist/Sonder wo die Kirch Gottes/vnnd welche menschen darin seien/ob auch diß die rechte wahre Kirch sey/in welcher wir jetz leben vnnd Gott dienen solten zu vnser seligkeit? vnd also ob das Papstumb auch von alter Succession her in der Kirchen/beneben euch Euangelischen sey/vnd die regierung haben sölle/welche es sol lang herbracht hat/oder nit darin sey?

Du sprichst/wo das Euangelium ist/da ist auch die Kirch. Wolan/diß wil ich dir zügen Ecclesia. quæ, & vbi. Wo aber vnd welches das recht Euangelium sey/in dem ist der streit zwüschen vns. dan du sagst es sey bey dir/ich sag es sey bey mir. wer soll vns nu entscheyden? Wer anders/sag ich/dann die Kirch selbst? welche die Seule vnnd grundtuest der warheit ist/wie der heylig Paulus sagt/vff welche man allein in allē zweyspalt soll vn̄ muß bawē. Volget also notwendig heraus/das man erst die Kirch suchen muß/dann bey derselben wirdt man auch das recht wahre Euangelium/vnd sunst niergent finden.

Diesem allem nach wollen wir in der kurtz sehen/welche vnnd wo die rechte ware Kirch

D iij sey//

sey/welche die Braut Christi genent wirt / vnd
einig bey irem gesponß vnd vnzertheit ist vnn
bleibt / biß zu ende der Welt / vnnnd erstlich wie
die in der schrift gedeut / genent / vnd vorgebil
det sey / damit wir darane nit felen. Ich halte
darvor du werdest mit allen gelarten Theolo
gen bekennen / die Kirch sey die allgemeine ver
samlung der glaubigen / welche von anfang der
Welt in Christum glaubt haben / vn noch glau
ben / im alten Testament in den künfftigen Mes
siam / welcher damals durch viel figuren vorge
bildet wardt / im newen / in denselben Heylandt
vnnnd Sone Gottes / welcher in der warheit
kommen ist / vnd vns das leben mit jme bracht.
Ist diß nu die rechte ware einige Kirch / wie nit
verneint werden mag / so wollen wir sie balde
finden haben / nit in einem / oder andern Lan
de / noch winckel / sonder vff vnnnd durch den
ganzen Erdtboden außgebreit / Allein das die
so darin gehören / durch den Tauff vnnnd glau
ben im newen Testament / von den vnglaubig
en vnder scheiden seindt / doch gute vnd böse /
kinder Gottes vnnnd kinder des Teuffels / alle in
einer grossen Behausung (wie der heylig Paul
lus sagt) hie in diesem leben beyeinander vnd in
gesampt begriffen / hernachmals zu seiner zeit
abgesun

abgesundert / ein theil zum leben / die andern
zum ewigen todt / Wie auch der Sone Gottes
selbs bezeugt / da er von dem guten Weytzen
vnd vnkraut redt in einem Acker / von guten
vnd bösen fischen in einem Netz. Iha welche
Gott so lang darnor durch die Arcke im Sinds-
fluß bedentet hat / in welcher beneben wenig
menschen / auch von allem geschlecht der thier /
so das leben hatten / Weib vnd Man / reyn vnd
vnreyn / versamblet vnd behalten sein worden /
vnd was aber darbaussen was im Wasser ver-
dorben. Dann diß ist der gefreihet platz / in wel-
chen die vbeltheter fliehen vnd behalten wer-
den / der vngenehet vnd vnzertheilt Rock des
Herzn / vmb welchen die Kriegsbuben das lose
worffen / damit er nit getrent würdt / wie sie
den auch nit trennen wolten. Ist dem nu also /
sein gute vnd böse / reyn vnd vnreyn / Sünder Boni &
vnd Gerechten / alle zugleich beyeinander in der mali in
Kirchen / vnd dieselb einig vnd vnzertheilt / vera Ec-
warumb schliest jr dann die Papisten als Gottz clesia.
losen daraus? vnd heimseth euch dieselb als
Euangelischẽ allein aner macht zwey teil / zwey
gesach / zwo vndschiedlicher gesellschaft daraus /
eine der Gottseligen Euangelischen kind Gottes /

D iij die

die ander der vnſeligen Papiften: Wer hat euch
erlaubt ſolch theilung zumachen: jemandt der
in den Sone Gottes getaufft iſt / vnd glaubt /
auß der Kirchen zuſchließen: Ihr nennet den
Stule zu Rhome die Gottloß Babylon / den
Papſt die Babylonische Hure / den Endchriſt /
die Beest im Apocalypſi mit den ſieben Köpffen /
die Papiften des Endtchriſts Diener / vnd wer
kan gnug erzelen / wie vngütlich die Römische
Kirch ſampt ihrem anhang durch euch vnd die
ewern geſchmehet / vnd veracht wirdt: nit / das
ich das Papſtumb allenthalben vertheydingen /
oder in eynichen weg vrtheylen wölle / dann
Gott wirdt vnſer aller Richter ſein / wirt auch
zu ſeiner zeit kommen / vnnnd rechnung von vns
allen fordern. Diß wil ich aber ſagen / ſein die
Papiften nit / ſha auch das gantz Papſtumb zu
Rhome nit in der rechten wahren Kirchen / ſo
müſſen auch ſonſt andere Sünder vnd Gottloß
ſen (wie jr die nennet) darin nit ſein. Iſt diß
ware: warumb ſpricht der Herz: daß im Euan-
gelio / Er ſey nit kommen die gerechten zubes
ruffen / ſonder die Sünder: Berufft er dann
die Sünder / warumb ſchließt jr ſie auß: Er bes
rufft ſie zu der Buß vnnnd penitenz / wie er ſelbſt
ſagt / vnnnd diß Sacrament iſt anders niergen
dann

dann in der Kirchen / warumb solten dann die
Sünder nit billicher vnnnd rechtmessiger in der
waren Kirchen sein / dann die gerechten? Laßt jr
dann die Sünder / die Gottlosen / alle die so der
Sacrament der Kirchen bedürffen / zu: war-
umb schließt jr dann die Papisten auß? Haben
sie das Euangelium nit / wie jr sagt? wie dörfte
jhr doch solchs die leut vberreden? solchs von
inen öffentlich / vnnnd ewer selbs Consciens zuge-
gen / aufgeben? Sie haben den rechten ver-
standt der Schrifft vnnnd des Euangeliums nit /
sprichstu. Bey weme sollen sie dann denselben
suchen? vnnnd sich erst nach soniel hundert Jaren
her leren lassen? Von euch Euangelischen? Ihr
seit doch selbst nit eins / kündt euch auch nit ver-
gleichen. Ihr im Papstumb / sprichstu / treibt vñ
vertheydigt öffentlich Abgötterey / darumb
kündt jr auch in der rechten wahren Kirchen /
welche das Reich Gottes ist / nit sein. Dann
das Reich Gottes vnnnd das Reich des Teuffels
sein weidt von einander / vnnnd welcher in einem
ist / kan im andern nit sein / So ist auch die
Kirch der Leib Christi / die Sünder aber vnnnd
Gottlosen künden an demselben leibe glieder nit
sein / dieweil die sünde mit der vnschuld / der
todt mit dem leben / kein theil haben mag. Hie
fürest

Regnum
Christi &
regnum
diaboli.

fürtest du zwey falscher Argument/ dann erstlich die wort/ im Reich Gottes/ oder/ im Reich des Teuffels sein/ haben zweierley verstand/ Einen von der blossen versammlung der glaubigen/ als nemlich/ das welcher in der versammlung der Kirchen sey/ derselb künde in der versammlung des Satans nit sein. Vnd in diesem verstandt ist der Spruch wahr/ dann welche durch den Tauff in die Kirch kommen/ die sein dem Teuffel entzogen/ dieweil sie selig werden mögen/ welchs in des Teuffels Reich/ da Juden/ Heyden/ Türcken/ in sein/ nit geschehen mag. Vnd redstu also hiedarvon/ so laß ich den spruch passiren/ Er thut aber dieser gestalt nichts wider vns / dieweil wir hie allein von Christen / vnd nit von denen so haussen der Kirchen sein/ reden. Im andern weg aber/ werden die wort nit von der versammlung / sonder von den personen verstanden/ welche in/ oder außserhalb der gnaden Gottes sein/ Vnd also ist der Spruch diß orts nit wahr/ Nemlich das welcher in der Kirchen sey / derselbe im Reich vnd gewalt des Teuffels nit sein künde/ das viel Christen dienen dem Teuffel durch die sünde/ vnd bleiben doch gleichwol in der Kirchen. Vnd also pflegen wir zu reden/ wann wir sagen/ es
sien

seien böß vnd gute / Kinder des liechts vnd Kin-
der der finsternuß / beyeinander in der Kirchen.
Darumb ist dein Argument hie falsch vnd So-
phistisch / vnd mag nichts darauß wider vns
geschlossen werden. Gleiche gestalt hat es mit
den gliedern des leibs Christi. Item mit der in-
nerlichen vnd eusserlichen gesellschaft der Kin-
der Gottes vnd der Gottlosen in der Kirchen /
vff welche ewre Confession vnd Apologye sich
diß ortz gründet / Welche alle / wiewol sie vn-
gleicher würde vñ begnadigung in der Kirchs
en seindt / noch sein sie dannoch als glieder ders
selben / darin / vnd mögen keins wegs one sons
derliche vnd rechtmessige vrsach / daraus ges
geschlossen werden. Dann die Sünder vñ Gott-
losen / solang sie in sünden bleiben / sein sie wol
francke / verwundte / vñ todte glieder am leibe
Christi / mögen aber durch die gnade vñ barm-
herzigkeit Gottes / vnd anwehung des heyli-
gen Geistes / widerumb gesundt vnd lebendig
gemacht werden / Welches zwar ausserhalb
der Kirchen keins wegs geschehen kan.

Membra
viva & ani-
ma in corpore
Christi.

Sprichst / **E**y / noch mustu dannoch bekenn-
nen / vñ ein vnderscheidt zwischen den gerechte
vñ Gottlosen sein lassen. **N**elich dz die gerechte
E ij allein

allein wahre lebendige glieder des Herrn vnnnd
der Kirchen/die Sünder aber nit/sonder als
lein faule vnd todte glieder seien. Hieruff ist die
jetz geantwort/hastu es recht verstanden. Ich
sag das auch ein verwundt vnnnd todte glied in
der Kirchen/ein gliedte sey/so lang jme geholfen
vnnnd das leben widerbracht mag werden.
Dann der Herz wil nit dasz der Sünder sterbe/
sonder vil mehr dasz er sich umbwende vnd lebe.
Aleynstu es sey kein vnderscheidt zwischen den
Sündern vnd Gottlosen/welche in der Kirchs
en/vnd den andern/die darbaussen sein? So
lang wir hie leben/mögen wir gnade erlangen/
vnd auß Gottlosen Sündern in einem augen
blick/vnnnd durch einen seuffzen/kinder Gottes
werden/wie täglich geschicht/vnnnd vil Exem
pel in der schrift für augen sein. Die Apologey
aber sagt/die gerechten kinder Gottes seien pro
prie, das ist/eigentlich vnnnd warhafftig in der
Kirchen/die Sünder aber improprie, das ist/
a contrario sensu, nit eygentlich noch warhafft
ig/sonder allein mit dem namen (wie auch die
Apologey erkläert) darin. Ist diß wahre/so
mußtu auch bekennen/das entweder zwo Kir
chen seien/oder das solche lehre falsch vnd ohne
grundt sey. Dann einig vnd vnzertheilt ist die
Kirch/

Kirch / wie die schrift sagt / Vna est columba Ecclesia
mea &c. Item vnus est Christus, vna fides, vnum vnica &
baptisma, vnus Deus & pater omnium. indivisa.
Vnzer
theilt / wirdt sie auch vnder anderm angezeigt /
durch den vngeneheten Rock des Herin. Vols
get / welcher in derselben eigentlich vnnd wars
hafftig nit ist / das der selbe eigentlich vnnd wars
hafftig darbaussen sein müsse / dann einsmals
vnnd einer gestalt (wie wir hie darvon reden)
darin vnd darbaussen sein / ist nit möglich. Wie
mag dann solche lere / die jr hie insürt / bestendig
sein / vnd einigen rechtmessigen grundt haben?
Ich laß zu / das zwischen den kindern Gottes
vnnd den Gottlosen in der Kirchen / ein grosser
vnderscheidt sey / wie der auch ist / doch anders
nicht dann wie oben gesagt / zwischen den per
sonen der guten vnd bösen / nachdem ein jede in
gnaden bey Gott oder in sünden ist. Ihr müßt
mir aber nit zwo Kirchen daraus machen / oder
die / so durch die beruffung vnnd glauben einig
ist / in zwey theil spalten / sonst müßt ihr auch
zwen Chrustos vnnd zwen glauben machen /
welchs euch die schrift vnnd der einig Sohne
Gottes nit zügibt.

Inft &
Sancti hic,
qui, & vbi.

Doch wie dem allem/dieweil jr vff solchem
vnderſcheit in ewer Confeſſion/vnnd ſonſt/be-
ſteht/ſo wolt ich gern das ihr mir anzeygt/wo
vnd welche die gerechten in dieſem leben ſeien?
Mit das keine ſeien/dann auch die ſchrift viel
meldet/welche für Gott recht gewandert vnnd
gerecht erſunden worden ſeien/wie one zweiu-
el auch noch ſein/Sonder dz ich gern ſehen wolt/
wie jr ſolche/ewer ſelbſt lere nach/vnd woher/
jr die vff die bane brengen wolt. Dann jr an ei-
nem andern orth in der Apologey/vnd nemlich
de peccato originali(wie jr euch ſelbſt züerinnern
wiſt) außdrücklich ſetzt/die menschlich natur ſey
ſo gar durch die Erbſündt verderbt/das ſie
ganz von Gott abgewendet/jme mit glauben/
nit vertrauen/jnen mit lieben künde/zörn gegen
der gerechtigkeit Gottes/haffe vnnd fliehe dies
ſelbe/kündt also/in ſumma darvon zureden/
anders nichts dann Gottloß ſein/vnd tödtlich
ſünden. Es bleibe auch ſolcher böſer will vnd
neygung in dem menſchen nach dem Tauff vnd
glauben/allein das vns ſolchs zur ſtraff nit zü-
gerechnet werde/dieſelbe neygung ſey auch von
art vnd natur anders nichts dann ſünde. Gleis-
cher geſtalt hat auch der Luther darvon geredt/
von welchem daß ſolche newerung hergefloſſen
iſt/

ist/hat den freien willen des menschen hingenommen/alles todtsünden gemacht w3 wir auch in den besten wercken thun mögen. Ist diß ware (wie es dan mit verneint werden mag) wie könt jr dan einiger bestendiger weise ein solche Kirch vff Erden setzen/in welcher allein die Gottseligen kinder Gottes die ware versammlung machen/die andern aber alle als Sünder vnd Gottlosen daraus geschlossen sein müssen?

Doch wollen wir euch diß alles hie zugeben/dann jr wölt vnd müßt ein sonder Kirch haben. Wir aber die Catholischen reden viel anders darvon/Sagen auß grundt der schrift/vñ mit der ganzen alten Kirchen/die natur sey so gar mit vderbt/sie hab noch einē anblick des liechts/welchs jr vō anfang gegeben wardt. Item noch einen funden guter neygung vñ gehorsams willens gegen Gott/wie dan der heilig Paulus clare bezeugt/da er sagt/vnd doch gleichwol seine vnuermögligkeit darneben bekent. Velle quidem adest mihi, sagt er/ sed vt perficiā non reperio. Vñ volgens. Mente quidem seruiō legi Dei, carne vero legi peccati &c. An welchem orth er dan vō alten Adam redt/Wie solichs auch der heilig Augustinus/Hieronimus/vñ Chrysostomus bezeugē. Vnd demnach so hat vnser natur/wiewol

sie gang blöde vnd schwach ist / noch etwas ahn
jr / das durch die gnade vnnnd barmherzigkeit
Gottes widerumb erweckt / vnnnd zu gutem
bracht werden mag. Vnd diß ist der zeug auß
welchem die Gottseligen vnnnd gerechten / von
welchen wir hie reden / durch den glauben vnnnd
Geist Gottes erneuet / Kinder Gottes hie vff
Erden sein / vnd so sie in seinem willen leben das
ewig Vatterlandt erlangen mögen.

Communio Eccle-
siastica.

Aber ich frag nochmals / wa vnnnd welche
solche Kinder Gottes in der Kirchen seient / damit
man sie kennen müge / vnd Christlich Communio
mit ihnen halten / dann auch mit vnnnd vnder den
Heyligen / solche Communio statt hat vnd ges
übt werden soll / wie nit allein der neunndt Artis
cul im Symbolo anzeigt / sonder auch ewere
selbst lere mitbrenget / in dem jr sie die Heyligen /
allein die ware Kirch / vnd also auch die leben-
dige glieder derselben macht / vnd demnach ihnen
auch die rechte ware Communio zueignen mü-
ste. Wolt jr aber sagen / Sie halten vn̄ vben die
Communio in ganzen hauffen / vn̄ seien nit vn-
sichtbarlich / wie dann etlich auß den ewern ge-
sagt haben / welche ihr doch nit lobt / sonder
strafft sie vmb iwer falschen vngereumpten lehre
willen / als hett jr nichts mit ihnen zuschaffen /
welches

wölches ich auch dabey bleyben laß/ frag aber/
diuweyl Gott alleyn die seynen kēdt/vnd sonst
niemandts/er auch alleyn der hertzgründer ist/
vnd dan solch heylige menschen hin vnd wider
vfferden vnder den Gottlosen leben vnd inge/
mischet sein/ allein aber die rechte Kirch Gottes
machen/ wie ihr fürgebt/ als nämlich/das sol/
che versamlung nit der Gottlosen/sonder allein
der heyligen sey: Kan auch eynige rechtmessige
Communion der disciplien / der ausspendung
der Sacrament / der verkündung des Worts
Gottes/der erklerung vñ auslegüg der schrift
auch anderer mehr ding/zü rechter Christlicher
Communion gehörig/gewis/vñ wie sichs nach
Apostolischer Lehr vnd Ordnung gebürt / mit
solchen verdeckten vnd unbekandten Brüdern
geübt vnd geleist werden: Dann ob ihr wohl
zügebt/das auch die Gottlosen diener der Kir/
chen/die Sacrament wirklich vnd mit frucht/
ohn eynigen abbruch ihrer krafft/ administrir/
ren/dieweyl sie solchs nit in ihrem namen / son/
der von Ampts wegen thun / vñnd die Person
Christi representiren/so setzt ihr doch darbene/
ben außdrücklich in offtermelter ewer Apolo/
gey/man solle die Gottlosen Lehrer nit hören/
sonder von jnen abweichen vnd fliehen/dieweil
f sie

sie das Ampt Christi nit/ noch seine Person/ ver
wesen/ sonder des Antichrists Diener seien/ vnd
also ihre handlung ohne Frucht abgehe/ vnd zu
guttem nit erschieszen möge. Ist diß war/ wie
dan diese ganze Lehre von der rechten wahren
Kirchen/ dahin gericht ist/ daß mann die Papis
sten als Gottlosen nicht hören / Sonder ver
lassen vnd fliehen solt/ ihnen keynen glauben zü
stellen/ keynen gehorsam leysten/ sie auch mit
nichten vor eynige rechtmessige Obergktheyt
halten noch erkennen/ wie ihr solches alles/ nit
alleyn ihn ewer Apology (wie erst gemeldt)
ausdrücklich setzt / auch sonst in euwern Büch
leyn vnnnd Predigen offentlich bey dem Volck
ausgebt/ vnnnd dasselb wieder die Papissten bez
wegt/ sonder auch das Werck allenthalben bey
euch ahn ihm selbst mit bringt/ in dem ihr allbes
reydt die Altkirchischen verdruckt / vnd durch
euwere Predicanten außgebissen habt : Wer
wil vns dann sagen/ wölcher Kirchen Diener
oder Prelat? Ja auch bey euch selbst/ wölcher
auffseher oder Predicant ein solcher Heyliger
Euangelischer man sey/ dem man in der ganzen
Administration der Kirchen züglauben/ vnnnd
gehorsam züleisten schuldig sein soll?

Du sprichst/die ware Kirch / sey vnuerbor-
gen/dann sie erzeyget sich selbst/ vnd werde al-
lenthalben erkendt durch ire sonderliche gewis-
se zeychen / Nämlich bey der theynen Euange-
lischen Lehr/ vnd bey dem rechtmessigen brauch
der Sacrament. Nun merck doch freundlicher
Leser/wahin der gegentheyl zuletzt hie geratē
sey/vnd waruff er den grundt seiner vnbesten-
digen Lehr setzen müsse? Vnd sonderlich solt du
wissen/das die ganze Augspurgische Confessi-
on/auch sonst alle Secten/ wie viel deren sein/
wann sie genötigt werden/ den grundt irer auß-
flucht vff diesen Articul vonn der waren Kir-
chen (den sie auch der halben ingeführt) setzen/
oder hetten das Spiel als baldt verloren/ dan
diweyl ihnen nichts stärckers im wege liget/
dann das ansehen vnd Authoretet der alten kir-
chen / in wölcher so viel Heyliger/Gelerter/
Schrieffterfahrner/ Hochsinniger Leuth/ als
Lichter des Christenthumbs von zeyt der Apo-
steln her/ gewesen/mögen sie anders nichts ant-
worten/dan das sie sagē/ wie H. vn̄ gelehrt die
selbe alte lerer der Kirchen gewesen sein/ so ha-
ben sie doch mögen felen am rechten verstandt &
schriffte wie sie den selbē auch mit allēthalbē trof-
fen habē/diweil sie auch menschē gewesen / 2c.

Signaveræ
Ecclesie
Præposite
ra.

Derhalben müß/die gewiß Regul der warheit
vff die bloße schriefft allein/ vnd auff das rheim
fein Euangelium / vnnnd sonst vff nichts gestelt
werden. Binden also vn̄ hend̄en die authoritet
vnd gewalt der Kirchen/verkerter weyse/ahn
das Schriftlich Euangelium/so doch Göttlich
cher vnd vnuermeydlicher ordnung nach / das
selbe durch die Kirch aufgelegt vnd gewiß ges
macht werden muß / dieweyl die schriefft selbst
nit reden kan/auch das lebendig wort Gottes/
wölches der recht warhafftig verstandt ders
selben ist (wie auch oben gesagt) ehe vnd zünor
bey der Kirchen gewesen/ dann das Euangelij
um ihe in Schriefft verfaßt / vnd in den Büchs
staben bracht sey worden.

Diesem allem nach/ sehe nun hie zū/ freunds
licher Leser/vnnnd seyest selbst Richter / wie du
dan selbst/ vnd ein jeder halb verstendiger woll
sein kan/ob vns auch die wahre Kirch/ wie der
gegentheyl wil/diser gestalt/das ist/durch das
rheim Euangelium vnd rechtmessigen gebrauch
der Sacrament/als gewisse zeychen (wölche
doch beyde zwischen vns vnd jnen/ja auch zwis
schen jnen selbst streytig sein) bestendiglich an
gezeigt vnd gewiß gemacht werden möge. Dañ
ich frag einen auß jnen/ wo das rein Euangelij
um zū

um zu finden sey: Weyset er mich zu der waren
 Kirchen der Heyligen hie auff Erden. Frag ich
 dann/wo die selb Kirch sey? Antwortet er mir/
 die sey bey denen/die das reyn Euangelium ha-
 ben/vnd also vor vnnnd vor von eynem zum an-
 dern. Gleycher gestalt bescheydt er mich von
 dem rechtmessigen gebrauch der Sacrament.
 Dann frag ich/wo man recht Tauff/die sündet
 recht absoluire/den leyb des Herren rechtmessi-
 ger weyse vnnnd ordnung entpfabe: Weyset er
 mich zur rechten waren Kirchen/frag ich dan/
 wo die sey/ weist er mich wiederumb zu rüch/
 vff den selben gebrauch in der waren Kirchen.
 Dis kan mir ein visierlich zwickmoel sein / vnd
 also gehet auch die Son am Hymmel/gehet sie
 offt hin/so kompt sie offt wider. Es möcht doch
 eynen wunder nhemen / jha auch manchen ver-
 driessen/das diese Hochsinnige Schrifft geler-
 ten die Leuth so gar verachten/ vnnnd vor eytel
 Schaffs köpff halten/ als solten sie nit verster-
 hen/nit greiffen mögen/was dis vor ein betrug-
 licher umbkreysf seye. Sie pflegen vns die Pa-
 pisten in allen ihren Büchlein/gespreechen / vnd
 Predigen / der Sophisterey zubeschuldigen/
 dieroeyl sie sonst keynen grundt gegen vns ha-
 ben/nennen vns Sycophanten/Schriefft sud-
 109111

Circuitus
 Sophisti-
 cus.

ler/Sophisten/ als wann alle ihreding rheim/
klar/Edel/vnd Galden weren. Ist diß dan nit
von jnen selbst ein grober/offenbarer/Sophis-
stischer boß. Durch wölchen sie die Leuth in der
nebelkappen vmbfuren/vnd machen sie weyse/
sie seien weit hinauß vff der Kirch weyhe zum
grossen ablaß gewesen/So sein sie doch vor die
thüre nihe kommen. Diß heyst die ware Kirch
GOTTES/vnd das rheim Euangelium zü gleich
mit fingern gewiesen. Wo ist das Euange-
lium? Bey der Kirchen / wo ist die Kirch?
Bey dem Euangelio. Was glaubest du /
sprach der Teuffel zum Köler: Was die Christ-
liche Kirch glaubt. Was glaubt die Kirch?
Das ich glaub. Sie möchten noch zü dieser
stundt also miteinander hadern / vnd dennoch
der sachen kein ende finden.

Sprichst ich höre wol / dieser gestalt hetten
wir weder Kirch noch Euangelium / wo solten
wir vns dan an halten? Dann dem Bapst vnd
seinem hauffen glauben wir nicht / vnnd solten
wir noth darüber leyden. Ich hab dir dro-
ben auff diesen Puncten geant wurt / da ich von
den gaben des Geysts GOTTES/vnd von
der Succession des eusserlichen regements der
Kirchen geredt habe. Wilt du dich daran
setzigen

setztigen lassen / das magst du thun. Wilt du
nicht / so suche dir eynen andern / der dich bericht
wie du es gern hörest. Was ich bis anher vnd
sonderlich vonn diesem puncten geredt / hab ich
bezeugt mit der Schriefft. Vertrauwest du
Gott nit vnd zweyffelst / ob sein wort / das er
einmal gesprochen hatt / ware sey / vnd wahre
bleiben müsse / so bistu kein Christ / du schmehest
auch vnd lesterst Gott / vnd straffest ine der lü-
gen. Dann er den seinen / vnd durch dieselben
seiner Kirchen versprochen hatt / er wölle bey
ihr wonen vnd bleyben / bis zu ende der welt /
vnd sie nit verlassen. Er wölle ihr auch den
tröster / den Geyst der warheyt (wölcher sein
Heyliger Geyst ist) herab senden / wölcher sie
trösten vnd stercken / auch aller warheyt erin-
nern vnd berichten soll / damit sie nit felenoch
verfürt werden möge. Ist dis war / was mang
let euch dan an der alten Bapstischen Kirchen?
Ist jemandts der sich seinem standt gemeef nit
halt / anders lebt oder lezet / dann im gebürt vnd
benohlen ist / man thue insehens / nheme gebür-
liche Reformation vnd besserung abn die
handt / es werden ohn zweyffel solche weg-
leychter zütreffen vnd in das werck zürichten
sein / dann ein solche für genhommen vnleydt
S iij lich

Spiritus ve-
ritatis Ec-
clesiæ pro-
missus.

lich newerong / der alten waren Catholischen
Religion zugegen / inzuführen.

Du sprichst / es sey durch euch vnd euwer re-
ligions verwanten nihe gestanden / man kundt
aber den Papst vnd seinen hauffen zů keiner res-
formation brengen / dann sie wöllen nicht wey-
chen / führen Menschen lehre / verdunklen das
Euangelium / verringern den glauben vnd ver-
dienst Christi / bauwen auff ihre gutte wercke /
vnd verthedingen viel offentlicher Abgötterey
in der Kirchen. Derhalben dann wohl vnd
recht von euch gelert werde (wie oben gemels-
det) das die Papisten in der waren Kirchen nit
seyen / dann machen die glaubigen (wie ich dro-
ben selbst gesagt hab) die Kirch / wie mögen
dann die / so den rechten waren glauben nit ha-
ben / in der waren Kirchen sein? Ich antwort
dir kurz vom glauben / vff wölchen jr nit alleyn
die Kirch / sonder auch gern ewere ganze Con-
fession vnd vermeynte Euangelische lehre bau-
wen wolt / vnd sage / das wir mit den Aposteln
vnd alten Kirchen die zwölff Articul im Sym-
bolo / vnd also recht vnd wohl glauben. Vnd
im fall ihr die selben auch glaubt / so glaubt jr sie
doch nit alle wie wir / wie dann baldt hernach
bey dem puncten der Justification von verge-
bung

De fide.

bung der sünden/vermeldt soll werden. Ver
 ners so reden wir vnderchiedlich vom glauben
 vnd der liebe/welche ihr beyde in der wirkung
 zusamen schmelzet/vnd in effectu ein ding dar
 aus machet. Ihr gebt auch dem glauben alles
 zu/was sonst die liebe vnnnd andere gaben Got
 tes beneben dem glauben sonderlich wirken
 sollten/Allein daß der glaub/wie wir gern be
 kennen/das fundament ist/vff welchs mann
 bawen soll/vnd ohn welchs Gott nichts ange
 neme sein kan. Die liebe aber entspringt vnd
 folgt gleich vff vnd auß dem glauben/vñ ist die
 lebendige krafft des heyligen Geists in vnsern
 hertzen/durch welche wir bewegt vnd entzündt
 werden / den dingen alles vnser vermögens
 nachzusetzen dieselben auch zu erfolgen vnd zu
 erlangen/welcher wir durch den glauben vnnnd
 die hoffnung gewiß gemacht werden. Vnd diß
 sey gesagt vom glauben/welchen jr vngereump
 ter weise hie infüret/die wahre Kirch/wie ihr
 wölt/dardurch zuerzwingen/dieweil vns der
 glaub allein nit heylig macht/wie jr leret/son
 der es muß auch die liebe darbey sein / durch
 welche die Gebott Gottes/wieder heylig Pau
 lus sagt/erfüllet/vnd wir gerecht vnnnd kinder
 Gottes erfunden werden / sonst möcht der
 G Teuffel

Caritas
 vita fidei
 & bonorū
 operum
 effectrix.

Teuffel auch heiligen durch den glauben / vnnnd
also auch ein glied der waren Kirchen sein / dies
weil er auch glaubt / wie der heilig Sanct Jas
cob sagt / aber vor dem Sone Gottes erzittert.

Das jr aber sagt / man künde zu keiner Res
formation kommen / vnnnd wolt vns gern die
schuld geben / da wißt jr doch selbst wol / vnd ist
der gantzen Welt kündig / das man euch zu kei
nem Concilium bringen kan / man wöll euch
dann ein solches ewers gefallen anstellen / in
welchē jr durch dz mehrer theil ewres anhangs
selbst Richter weret / vnd die andern alle / wel
che mit euch nit zustimmen wolten / verdammen
möchten.

Das wir öffentlich Abgötterey vertheys
dingen solten / wirdt nimmer mit grundt ware
gemacht / vnnnd solt billich solcher Abgott nam
hafftig gemacht werden / damit man inen kent /
sonst möcht jemandts gedenden / er were etwa
vnder einem Lügenbandt funden worden.

Was dann die angezogen menschen lehre /
vnd verringering des glaubens antrifft. Ist
vom glauben erst vor geantwort. Von der lere
wirdt in dieser schrift etlicher mas / aber sunst
allenthalben von den vnfern vberflüssig geant
wurt. were auch noch stattlicher geantwort /
vnd

vnd der falsch entdeckt worden / Hett jr euch
ewer lere vor vnd im angefangen Colloquio ver-
gleichen mögen / vnd weret nit vnder euch selbst
zweyspaltig worden.

Der verdienst Christi / ist die bezalung vor Merita
Christi.
vnserer sünden / der Kirchen schatz / vnser einiger
trost / vnd seligkeit. Vnser gute werck thun
nichts darzu sonder nemen daruon / das sie vns
auch gut vnd verdienstlich sein mögen.

Das wir vff dieselben bawen solten / ist ein Calumni
de operum
fiducia.
solche calumni, vnd bey euch selbst wol bewusste
verferte vnwarheit / das ihr euch der selben
auch vor euch selbst schamen solt. Dann wir
bawen mit nichten vff vnser gute werck / leren
auch niemandts also / sond bawen vff den eyni-
gen verdienst Christi / vñ vff die gnade vñ barm-
herzigkeit Gottes. wir wollen aber auch die güt-
te werck darbey haben. wie dann auch Gott dies
selben von vns fordert / nit das sie an jnen selbst
so gut vnd köstlich seien / das sie ausserhalb
der Gnaden vnd wahren lebendige Glaus-
ben / vns vor Gott gerecht / oder auch der
gnaden werdt machen mögen / Sonder das
sie Gott gefallen vnd angenehme sein / wann sie
G ü berürter

Opera bo-
na ex fide
& chari-
tate.

berürter gestalt / das ist / durch den glauben /
vnd auß rechter liebe gegen Gott vnd dem nech-
sten / hergehn vnd geschehen. doch bawen wir /
wie gesagt / nichts daruff / sonder thun die als
lein auß liebe vnd schuldiger gehorsam gegen
Gott / wie gemelt / durch einen vesten steiffen
glauben / welchen vns auch Gott gibt / mit durch
vnsern verdienst / sonder auß eitel gnaden vnd
barmherzigkeit / durch seinen geliebten Sohn
Jesum / welcher vns solche gnade bey dem Vat-
ter erworben hat / das wir vnd die ganze Welt
jme in ewigkeit nimmer gnug dankbar sein mö-
gen. Was wolt jr ihu mhe von vns haben? Ist
dis nit auch Euangelisch vom glauben / von der
liebe / von vnsern guten wercken / vnd dem gna-
denreichen verdienst Christi / geredt? oder muß
man ewerem Euangelio allein mehr dann der
Hellen claren schrift / vnd der ganzen allgemei-
nen Kirchen so viel hundert Jar her / glauben?
Dann / das ihrs eben wüste / also hatt die alte
Kirch von anfang / also haben vnse Vorältern /
also haben wir jeder zeit gelert / vnd noch / wis-
sen vns auch von solcher lere nit abtringen zu-
lassen. Welcher aber anders von vns zureden
oder zuschreiben ein lust hat / der schame sich der
lügen

lügen / so lang / biß ers ware macht / anders
künden wir vns dieser zeit nit vertheydingen.

Wolt ihr aber noch immerdar sagen / wir
habend die rechte lehre vom glauben vnd der Ju- De Iustifi-
stification nit / verstehn die schrifft nach der Phi- catione.
losophhey vnd menschlicher vernunfft / wie ihr
dann außgebt / Derhalben so haben wir auch
die schrifft nit / das Euangelium / die wahre
Kirch / den gewalt der Schlüssel / vn also auch
die rechtmessig Oberkeit vnnnd Authoretet der
Kirchen nit / sonder müssen es bey der wahren
Euangelischen Kirchen allein lassen bleiben.

Diese vnnnd der gleichen ding / wiewol ihrs nit
außdrücklich allenthalben sagt / noch redt / so ist
es doch ewere stracke vnuerneinliche meinung /
wie auch oben gemelt ist. Sowi el nhu die Kirch
belangt / ist gnug hievor von derselben gesagt.
Von der schrifft vnnnd warem lebendigen wort
Gottes / ist auch gnug droben geredt / vnnnd der
vnderscheidt derselben erklert. Vom verstandt
der schrifft soll auch etwas hernach sonderlich
gemelt vnd zubedencken geben werden. Aber
die Justification belangen / dieweil dieselbe der
Hauptpuncten einer ist / vff welchem auch die
Confession von vergebung der sünde durch den
glauben / vnd die lehre von guten wercken / son-
G iij derlich

derlich beruwet (wiewol der gegentheil sich bei ihme selbst der selben nit vergleichen kan) wil ich auch etwas / doch in der kurtz so viel müglich / daruon sagen / damit man nit dencke ich hab diesen fastnacht buzen geslogen.

Iustitia
imputa-
tiua.

Ein newe gerechtigkeit haben sie vns vff die banebracht / welche sie iustitiam imputatiuam nennen / durch welche sie vns aller guter werck vnnnd warhafftiges verdiensts bey Gott bloß stellen / Kirchen stiftungen / Seelmessen / Münchisch vnd Closterjungfräwlichs lebens sampt allem andechtigen altchrislichen wesen / auß der Kirchen treiben. Dañ diß ist der grundt vnd einig vrsach solcher erdichter vnnnd new erfundener gerechtigkeit / mit welcher sie viel leut / jha auch auß denselben viel verstendigen blenden. Wir aber die Catholischen / sagen mit der alten Kirchen / das diß ein falscher vnnnd listiger betrug sey / vnd daß der mensch der glaubt vnnnd in Christo getaufft wirt / durch denselben lebendigen glauben vnnnd barmherzigkeit Gottes / warhafftig gerechtfertigt / das ist / gerecht gemacht / wie mir / wie sie aber sagen / gerecht gesprochen werde. Wir fordern innerlich Buß darzu / nemlich rewe vnnnd leydt vber die sünde / bey denen so zu verstandt kommen sein.
Sie

Sie fordern nichts dann bloßen glauben. Wir
wollen es soll ein rechter lebendiger glaub sein/
der da würckē durch die liebe gegen Gott vñnd
dem nechsten / wie Sanct Paulus sagt. Sie
setzen die liebe hindann / wollen ihr auch kein
würckligkeit hie zugeben. Mir sagen / nach ver/
gebung der sünden / sey die gabe der gerechtig/
keit in vns / werden auch von derselben gerecht
gemacht / thun auch werck der gerechtigkeit /
wieder Apostel Sanct Joannes sagt / Qui facit
iustitiam iustus est, sicut & ille iustus est. Sie
aber sagen die gerechtigkeit sey nit in vns / son/
der bey Gott / es sey auch gar nichts in vns /
darvon wir gerecht genent werden / oder eynig
gut werck erzeygen mögen / allein werde vns
die gerechtigkeit von außwendig her / durch
G O T T auß Gnaden zugelegt vñnd zuge/
messen / wiewol wir doch Gottloß seien vñnd
bleiben.

Vñnd dis ist die gerechtigkeit / wie obgemelt /
welche sie imputatiuam nennen. Ist eben ein ding
als hett die Braut ein Krentzlin vff / vñnd were
ir 8 Bauch noch vö der fastnacht her geschwol/
len / Oder / als wann der Teuffel ein Korrock
G iij anhetten /

anhetze / vñnd man hielte ihne vor ein Engel.
Ich frag dich / ob jr auch nach geschehener recht-
fertigung Sünder bleibt / oder nit? Spruch-
stu / neyn. ist wol geantwort / dann weme die
sünden vergeben sein / dem sein sie nit behalten.
Ist diß dann wahre / so volgt notwendig / das
welcher Sünder begnadet vñnd von Gott der
sünden ledig gesprochen wirdt / das derselb
auch alsdann derselben warhafftig ledig sey.
Sonst müst es anders sein dann Gott gesproch-
en hetze / vñnd würde also der Spruch Gottes in
der vnwarheit erfunden. Ist er dann der
sünden ledig / so ist er auch gerecht / vñnd thut als
so werck der gerechtigkeit / wie vor gesagt ist.
welche Consequens also geschaffen ist / das sie
nit widersprochen mag werden. Warumb
schreibt ihr dann / vnser gute werck seien alle
Todtsünden? seien anders nit dann wie Hudel-
lumpen eines vnreynen Weibs vor dem ange-
sicht Gottes?

Wiltu aber sagen / die sünde werde wol verge-
ben / sie werde aber in der warheit nit hingend-
men / sond bleibe nach wie vor. Was wirdt dan
der glaub / den jr so hoch berümpft / vñnd allen ga-
ben Gottes vorsetzt? Bleibt die sünde / so ist je
kein vergeblich der sünden / oder man muß sage /
die

die Sünden werden vergeben vnd behalten/
wölches auch bey GOTT selbst vnmöglich ist.
Sie suchet jr nun ein lücke / durch welche jr hins
auf kommen mögt / vnd bringet vns die ver
meynt vnd erdicht zügelegte gerechtigkeit her
für / wölche mit vnd beneben der Sünden ste
hen möge / also das der Mensch ein Gottloser
Sünder sey / vnd bleybe / aber nichts desto we
niger durch den Glauben bey Gott vor gerecht
erkennt vnd gehalten werde / nit das erß wahr
haffrig sey (wie gesagt ist) sonder das er auß ge
naden darvor gehalten wirdt. Was dunckt
dich / Günstiger Leser / ist die lücke nit troffen?
Kann dan Gott zü eynem bößwicht sagen? Du
bist fromm / so er doch weyß das er ein Schalck
ist? Ich wüßte abermahls kein besser Exem
pel vor die augen züstellen / dann den Teuffel in
eyner Münchs Kotten / wie er dem **HERREN**
am ersten Sonntag in der Fasten begegnet.

Es sprichst du / sein wir dan nit alle sündler /
vnd zur Sünden geneygt / wann wir schon ge
taufft sein / vnd buß gewirckt haben? Wie dann
auch die Schriefft vns allenthalben erinnert /
auch solche böße neygunng in vns offentlich be
zeuget? Du fürst mich züweyt hinauß / doch gib
ich dir antwort so kurz es die Materi leyden
mag / vnd sag / Ja / das wir alle Sünder seien.

De pecca
to & cons
cupiscens
tia.

Aber ich setze darzuß/wir seien auch büßser/ oder zum wenigsten solten wir es sein / wie wir dan auch solchs vermittels der gnaden Gottes wol thun mögen. Volget also/ daß wir nit alleweg Sünder sein/ noch in Sünden verharren müssen/sonder heut Sünder/ morgen/ja in eyner halben stunde / begnadigt sein wie auch hie bevor darvon geredt ist. Die böse neygunng aber belangen/solt du wissen/daß dieselbe an jr selbst bey den glaubigen nit Sünde ist / wie wohl jhr vnderstehet dieselbe auch Sünde zümachen / aber auß falschem grundt vnd gesuchtem schein der Schriefft / wie man euch wohl dasselb mit fingern weysen kan. Dann Sünde ist alleyn was wider das Gesetz Gottes ist/ wie der Heylig Johannes sagt. Omnis qui facit peccatum iniquitatem facit, & peccatum est iniquitas. Vnd sonst ist nichts Sünde. Wieder das Gesetz GOTTes aber sündet niemands/dann auß freyem willen/wie der Heylig Augustinus sampt allen Kirchen Lehrern sagt/ also / daß auch Sünde nit Sünde seye/ wan sie auß freyem willkürlichem willen nit hergehet.

Solchs bezeuget auch die Schriefft/Dent: 30. da Moyses vor seinem abschiedt das Volck ermant/die gebott Gottes zühaltten/mit diesen worten.

worten. **S**ehē/ **I**srael/ ich stelle dir vor das leben vnd das gutte/ den Todt vnd das böse/ die benediction vnnnd die vermaledeyung/ darumb erwele das leben/ damit du vnd deine kinder lebet/ **z**c. **I**tem/ **E**cclē. 5. sagt der text. Ich habe dir wasser vnd feuwer vorgestelt/ zū wölchem du wilt magst du dein handt außstrecken. Diese Schrifften bezeugen genug/ daß die wale vnd freyer will bey vns ist/ die Gebott Gottes zū halten/ vnnnd das leben zū erlangen/ oder nicht. **I**tem/ daß auch gewiß ein freyer will sey/ wie **Liberum** der den Luter vnd seinen anhangē/ wölche den **arbitrium.** selben mit haben frey wöllen sein lassen/ sonder eynen gefangen vnnnd Leybeygnen darauß machen/ nicht alleyn jetz angezogener kundtschafft auß der Schrifft/ Sonder auch der allgemeynen Catholischen Kirchen zūgegen.

Ist nun diß wahre / wie mit grunde anders mit gesagt werden mag / so must du bekennen/ daß die böse neygung vnd begirlichkeyt des fleyschs ab jr selbst mit Sünde/ auch mit sträflich sey bey Gott/ Sonderlich in vnd bey denen/ **Concupiscentia for-** so durch den wahren lebendigen glauben **Christi** **maliter nō** **stod** dem Son Gottes ingeleybt sein/ wie der **S.** Paulus sagt/ **z**c. **Nulla igitur est condemnatio, est peccatum.** his qui sunt in Christo Iesu, &c.

S ij **D**ies

Die weyl solche neygunꝝ vn̄ begirlichkeit (wölche Fomes peccati in der Schule genent wirdt) auß dem freyen willen nit/sond̄ auß der schwachen gebrechlichen natur des fleysch hergehet/wölchen gebrechen wir von der Erbsünde entpfangen / vnd auß dem selben geneigt/auch je der zeyt durch den selb verursacht werden zū sünden. Vnd der halben ist auch solcher geprech vnd neigung nit Sünde / mag auch in denen so glauben/eygentlicher vnd warhafftiger weyse vor kein Sünde angezogen werden/es komme dan der frey will dar zū / wie gemelt / vnd also die begirlichkeit in das werck der sünden bracht werde.

De pecca
to Origi
nis.

Dann ob wol solcher gebrech vnd schade/der vns durch die erst sünde zū gestanden / auß dem gerechten vrtheyl vnd zorn Gottes herkompt / vns auch billich als ein angeporn vnd wieder Gott strebende vngheorsamkeit (wölchs dann die höchste sünde gegen Gott in vnserm fleysch ist) verdampt / vnd von Gott in ewigkeit absondert. So hat vns doch der Son Gottes dem Vatter widerumb versönet / vnd durch seinen gehorsam vnsern vngheorsam vnd wieder span abgelegt / nit das solche böse neygunꝝ in vns vff hören / vnd nit mehe stat haben / sonder

der das sie jeder zeit wan sichs zütregt / in denen
so in Christo durch den Tauff vnd Bűß erneu-
et vnnnd wieder geborn werden / vnuerdamlich /
vnd also bey Gott vnstrűfflich sein solt.

Sprichst / jertz bekennestu selbst / das die böse
neygung vnd begirlichkeit in vns bleybe / vnnnd
das sie auch die höchsten Sűnde sey. Hast du
recht verstanden was ich gesagt habe / so ist dir
schon geant wort. Ich nenne die böse begirlich-
keit die Sűnde der Rebellion im fleysch gegen
die vernunfft vnd den Geyst GOTTes / wölche
auf der Erbsűndt herflusst. Secundum legem
peccati. Wie der Heylig Paulus sagt / das ist /
wie der Heylig Augustinus auflegt / Secundum
transgressionem Adę , & peccandi conditionem,
ex qua concupiscentia ad peccandum sollicitat.

Solche begirlichkeit oder böse neygun-
g wirdt auch Sűnde genent / doch nit proprie, Sonder
als ein vrsach der Sűnden / Item / vnderchied-
lich / im Alten vnd Neuwen Adam / dann sihe
streyt wieder die vernunfft vnd den Geyst / wie
gesagt ist / vñ Sanct Paulus auch sein mit dies-
sen Worten anzeyget. Sentio legem in carne mea
repungnantem legi mentis meę, &c. Vnnnd also
bleybt die Rebellion / vnnnd ist Sűnde in denen
die nit ernewet noch wieder geborn werden / in

den glaubigen aber vnd Kindern Gottes/ wirt sie vberwunden/ vnd die Sünde getödt/ in dem der Son Gottes die straff derselben vff sich genommen/ die schuldt bezalt/ vnd vns der pflicht erledigt. Vnd must hie nit gedencen/ das die Sünde ein ander ding sey/ dan was Gott misfalt in vbertretung seiner gebott/ vnd derhalb straff würdig ist / damit seine gerechtigkeit erhalten werde. Ist dis war/ wie es dan geswis war/ vnd in vnserm glauben begründt ist/ wie mag dan eynige sünde bleyben/ da nit allein Gott versonet/ Sonder auch die schuldt vberflüssig bezalt/ dem Gesätz / vnd der gerechtigkeit GOTTes in alleweg genug geschehen ist? Bleybt dan die sünde nit/ vnd ist als baldt der Geyst GOTTes da / wölcher vnser hertzen entzündt/ dieselben besigt/ vnd zu allen guten wercken geschickt macht / durch wölche die Gebott Gottes erfüllt werden sollen vnd mögen. Wie sein dan vnser gute werck nach geschehener iustification vnd entfangnem H: Geyst todt Sünden? Kein warhafftige gerechtigkeit in vns/ nichts das vns vortzäglich bey Gott/ vnangenehme sein künde/ vorhanden? Ich weiß mich zu erinnern/ dz ich in euwer Apologey gelesen hab vnser gerechtigkeit / die wir durch den glauben ergreifen/

Peccatum
vere & re-
aliter tolli-
tur in Iusti-
ficato, &
Iustitia in-
hærens suc-
cedit.

ergreiffen / wie jr daruñ redt / sey anders nichts
dan der glaub selbst. Item / Ir schreibet vnd be-
kendt (wie auch war ist) das der glaub vnd die
liebe / sampt andern gaben Gottes / in vns seien /
das ist / wie ichs verstehe / in vnser hertzen vnd
gemüth empfangen werden. Wolan ist dem
also / wie wir dan des eynig sein vnd bekennen /
warumb ist dan die gerechtigkeit des glaubens
nit so wol warhafftig in vns / als der glaub vñ
die liebe in vns sein? Soll aber diß nit sein / son-
der wolt jr vns *lustitiam imputatiuam* machen /
wie er auch thut / warumb macht ihr vns dann
auch nit *Fidem charitatem imputatiuam*? Kundt
ihr aber solchs nit thun / sonder must warthen
sein / das man euch mit faulen öpffeln auß der au-
dienz würffe / wie seit jr dan so küen / das jr vns
durfft ein solche erdichte *lustitiam* auff die bane
bringen / wölcher jr euch vor verstendigen leu-
ten schamen müßt. Vnd diß sey gesagt von der
Iustificatiõ / wölche vn begründter vnd spitz-
sündiger weise durch den gegentheyl ingeführt
wirdt / vnd andere mehr puncten ahn ihr hatt
hangen:

Den verstandt der Schrifft belangen / wöl-
ches sich der gegentheyl gleychfals alleyn gern
anmassen wolt / ist hie beuor bey der erkle-
rung des rechten lebendigen wort Gottes an-
De intelle-
ctu scriptu-
rae.

regung geschehen/das nemlich der stumme vnd
Todt buchstab nit/sonder der innerlich wahre
verstandt der Schriefft/ die rechte lebendige
Schriefft vnd Wort Gottes sey / bey wölchen
ichs auch nochmals bleyben lasse. Das aber
der gegentheyl ihm allein/wie gesagt/denselben
rechten waren verstandt zuschreybt / kan ihm
mit nichten nachgeben werden. Es möcht auch
eyner gern sehen wie sie solchs bey verstendigen
vnparteischen Leuthen ware/oder zum wenigst
sten glaublich machen wolten. Du sprichst/
die Schrift sey klar vnd verstendlich ahn ihr
selbst/vnd da sie schon dunckel oder streytig für
fal/so kundt ihr doch Schriefft mit Schrieff-
ten auflegē. Was höre ich doch? Kundt jr solch
kunst allein/vnnd künden es andere Leuth nit?
Waher kompt euch dann solche gabe allein?
Schriefft auflegen/ was ist es anders/dann
den rechten verstandt derselben erklären? Da
nun die Schriefft ahn eynem orth dunckel oder
streytig ist/kan sie dann nicht an eynem andern
orth auch dunckel fallen/oder streytig gemacht
werden? Dis muß ihr jha bekennen/vnd da es
nit also sein solt/so muß doch zwar der Text ei-
nem so wol klar sein als dem andern / vnd dem/
nach zu gleych allenthalben vnd bey allen ge-
lerten

lerten verstanden werden. Wie Kompts dann
das souiel Secten vnder euch seint? Iha wie
Kompts das ihr euch nit allein mit den andern/
die ihr beneben vnd mit vns verdampt/sonder
auch vnder euch selbst/vnd mit ewern mit Con-
fessionverwanten/nit vergleichen kundt? Ihr
wolt dann sagen/die schrifft variere/vnd lauff
ihr selbst zugegen. dann also möcht ihr alle recht
haben/vnd solt ihr Confessionisten euch billich
vor dem Colloquio verglichen/vnnd kein theyl
den andern aufgeschlossen haben. Ist aber die
schrifft bestendig vnd warhafftig allenthalben/
vnd kan mit nichten fehlen/so müst ihr zwar die
vnwarheit vnder euch selbst theilen/vnnd not-
wendig bekennen / das entweder die Wittens-
bergischen / oder die Sachsischen Theologen
der Augspurgischen Confession nit / sonder
Sectisch/vnnd einer andern verdampften lehre
seien dann sie fürgeben.

Hie möcht einer ruffen/diſſ were Sophis-
tisch von der sachen geredt/wie dann pflegt zu-
geschehen/wann sie genötigt werden. Wolan/
so leren sie vns ein newe Dialectick. Ich kan
nochmals anders nit von diesem puncten reden.
Dann ist die schrifft clare/sag ich (wie sie wöl-
len) so solten sie vnnd andere Secten sich billich

I ver

vergleichen / dieweil sie sich alle vff die schrift
gründen. Ist sie aber nit clare an allen örten / kan
auch nit durch sich selbst erklet werden / inson-
derheit zwischen streitenden partheien (wie
oben gemelt ist) Warüb lassen sie dan keine auß-
legung zu / dan die sie selbst thun: wollen also
selbst Richter vnd Cleger sein gegen der alten
Kirchen. wer hat vnbillicher ding je gehorte?
Sie wollen die alten Kirchenlerer / die allges-
meinen Concilia nit zulassen / nit vor glaubwirs-
dig halten / dann souiel es inen eben kompt. Sol
man dann ihnen glauben: alles was sie schreis-
ben vnd predigen passiren lassen: Wo kompt
doch ihnen solche Authoretet / solche ansehen
her: Sein sie der schrift so weit vnd hoch
erfahren: Andere leut sein es auch / künden sie
die Sprachen / welche zur sachen dienen: An-
dere leut kündens so wole als sie / verstehen die
auch besser dann sie / wie solches das werck auß-
weist. Was künden sie dann mehr dann ander
leuth: Haben sie die gaben von Gott reichlicher
dann die Papissten: Das werck weiffts auß /
sag ich / was ein jeder habe oder nit habe. dann
die gaben sein vnuerborgen. Gott gibt sie auch
weme er wil / vnd so viel / oder so wenig / als er
wil / wie droben daruon gesagt ist. Wer nhu die
hate /

hate / sehe zu daß er sie recht brauche. daran ist
alles gelegen.

Warin vbertreffen dann diese Hochgeler-
ten andere gute Leuth? Wer kan anders sagen/
dann das sie heyliger vnd Gottseliger sein / daß
vnserer Mönch vnd Pfaffen. Rheyne / Keusch /
Euangelisch / ein Apostolisch leben führen / nit
zendisch / nit stoltz / nit gütdünckend noch vber
mütig / auch nit freßig noch Weinsüßer / nit geiz
ig noch eigennützig / seien / wie die Gottlosen
Papistischen. Ist diß ware / so haben mir arme
Papisten das spiel bey dem gemeynen man ver-
loren. Dann wie die lere eins jeglichen geschaf-
fen sey / kan der arm einfeltig Ley nit vrtheilen.
Wie aber ein jeglicher sein leben führe / kan man
wol sehen / oder auch von andern leuten hören.
Diß wissen diese neuen Lehrer gar wol / dar-
umb schreien sie auch ohn vnderlaß in allen iren
Büchlin vnd Predigen so grausamlich wi-
der den Papst / Bischoff / Mönch vnd Pfaffen /
jha malens vnd streichens mit farben auß / nit
menschlicher / sonder beestischer vnd leibteuffe-
licher gestalt / vnd stellens dem armen gemeinen
man vor die augen. Diß kan mir ein Euange-
lischer Geist sein. Also haben auch die Propheten

Libelli &
picturae
famofae

vnd Aposteln das wort Gottes in die leuth in-
gebildet / haben sie zum glauben durch solche fei-
ne Euangelische Exempel eingefürt. Dann es
steht geschrieben / Compelle intrare. Vnd bey
dem Paulo / Insta opportune, importune. Laß
dir dein Religion beuolhen sein / es sey mit ge-
schaffen wie es wölle. Quia scriptum est: Nemo
venit ad me nisi pater meus traxerit eum. Das
heißt die schrift recht gefürt / vnd schrifft mit
schrift außgelegt.

Sprichst / wir künden nit malen. Wer
wil den Formschneidern vnd Bildtmalern ver-
bieten / das sie ihre Kunst nit brauchen / vnd einen
pfenning verdienen? Hettestu soniel darwider
geruffen / als dus gefürdert hast / es were vil-
leicht vermitteln blieben. Dann die Reichs Ab-
schiedt verbietens auch außdrücklich / man solle
keine Schmehebüchlin / Bildtwerck / noch an-
ders des gleichen machen / im Druck / noch sunst /
ausgehen lassen / zu verachtung der Oberkeit /
des Geistlichen standts / oder sunst einiges men-
schen. Item an einem andern orth stehet / das
keine parthey die andern der Religion halben /
einiger gestalt beschweren / noch verachten soll.
Warumb schmehet ihr dann andere leut? oder
warumb erinnert jr das volck nit vff der Cantz-
len?

ten: vnd strafft solchen vnchristlichen jha mehr
dann Heydnischen mütwillen: welcher auch
durch die alten Keyserlichen Recht mit gantzem
ernst verbotten vnd gestrafft wirdt. Ja lieber
Hansß kom morgen / vnd ess mit mir ein Gansß.
Solt jr Predicanten vnnnd Euangelische Lerer
jemandts straffen: oder einiges Reichs Ab-
schiedts in diesen dingen erinnern: diese zeiten
gebens nit. Drumb ist auch droben recht gesagt /
Mütwill sey meyster worden / Gehorsam leigt
vnder den füßen. Solt jr die vorige Abschied
halten: Habt jr auch diesen jüngsten Regens-
spurgischen gehalten: jha auch gedacht zuhal-
ten: Wolt jr's verneinen: Es sein schrifftten
vorhanden / vnd werden bey vielen also fein still
in der geheim vmbgezogen / damit es noch zur
zeit niemandts dann die leut erfahren noch auß-
breyten mögen. In welchen durch die Sachsi-
schen vom Colloquio außgeschlossen Theolo-
gen / clagender weise vermeldt wirdt / wie sie
beyderseits ihre die Wittenbergischen / vñ sie ire
Sachsischen Theologen / erstlich zu Franckfurt
in versamlung etlicher Stende / darnach zu
Wormbs vor anfang des Colloquij, zum andern
male beysament gewesen / gestalt / euch vff das-
selb Colloquium mit eynander zäuergleichen.

Consilium
initium
contra de-
cretum Ra-
tisponense.

Es hab aber die vergleichung zu Franckfurt
mit nichten trossen werden mögen. Zu Wormbs
aber nach viel gehabter mühe vnnnd vnderrede/
als jr abermals etlich tag zusammen gangen/habt
Ihr zu letst ein solche abrede gemacht / dieselbe
auch instrumentieren wöllen lassen / were der
streit/wie oben gemelt / mit zwischen euch von
newem ingefallen. Nemlich/ daß der zweyspalt
der Religion vnder euch selbst dero zeit inge/
stelt/vnd verschoben werden solt/biß nachende
des vorstehenden Gesprächs. Mittler weil aber/
bey dem Gespräch/solt jr zusammen halten/vnnnd
beyeinander stehen/dem Papstumb statlichen
abbuch zuthun/das ist/das Papstumb / wo
möglich/ein male zustürzen. Ist diß ware/(wie
dañ solchs zu seiner zeit dargethan soll werden)
Wo bliebe dann der Abschyedt? welcher alle
partheyligkeit abschnidt vnnnd verbote / auch
außdrücklich wolt vnd benalhe / das solch Col-
loquium oder Gespräch/frenntlich/Christlich/
vnd vertrewlich / zu Christlicher vergleichung
der streitigen Religion / gehalten werden solt/
anders nichts durch die Colloquenten vnd Ad-
iuncten gesucht/dann zu forderst die Ehre vnd
Glory des Allmechtigen / die Christliche war-
heit/die liebe des nechsten vnd allgemeine einig-
keit/

Zeit / sich auch daran gar nichts / so dem allem
zuwider sein möchte / verhindern lassen / wie sie
solchs vor Gottes angesicht am jüngsten Ge-
richt gestehn vnd verantwurten wolten. Ist
diesem nit also? Besich den Abschiedt / den alle
gegenwertige Stende sampt der Röm. Maiest.
vnd der abwesenden gesanten zuhalten / vnd
demselben also nachzukommen / versprochen ha-
ben. Wie habt aber jr Euangelischen Theologi
denselben gehalten? vnd solchs auß beuelch der
Röm. Röm. Maiest. vnd der Stende / vnd ewer
selbst herschafften? von welchen jr abgesandt ge-
wesen? Ist das freuntlich vnd vertrewlich ge-
handlet? insonderheit in solcher wichtiger sache-
en? das sich eine parthey vergleicht der andern
abzubrechen? die andere züernachtheylen?
vnd wo sie möchte / zustürzen? Ist diß / die war-
heit / die Ehr Gottes / die vergleichung der
streitigen Religion / vnd den allgemeinen fries-
den gesucht? Wann ewer Herschafft ewer
nit verschondt / was meint jr das ihr verschuldt
hetten? wie solt sie euch empfangen haben?
Vñ diß sey gesagt von dem mütwilligen indrin-
gen / vñ schmechafften verfolgungen / so den der
alten Religion verwanten / von euch newen
Predicanten vnd Schufftgeleerten hässiger vñ

vngütlicher weise / auch den Reichs Abscheis-
den zuwider / jeder zeit begegnet ist / vnnnd noch.
Item von dem vnfreundtlichen vnd vntrewen
rathschlägen / den ihr im ingang des Gesprechs
vnder euch beschloffen / das Papstumb vnd die
alte Religion zubestreiten. Welcher rathschlag
gleichfals auch also geschaffen / daß er dem Ab-
schiedt vnd der ernstlicher mainung der Sten-
de ganz zugegen / vnnnd da sonst kein trennung
vnder euch selbst ingefallen were / hett man doch
vrsach gnug gehabt / sich keins wegs in solch vn-
trewen vnnnd vortheilich Gesprech mit euch inzu-
lassen.

Vnnnd dörffen dannoch diese gätherzige
vnd einfältige Theologen in irem außschreiben
fürgeben / ihre Widersächer seien fein mit list
vmbgangen / wie sie möchten ein trennung fin-
den / &c. Wie? haben sie die Catholischen ein
trennung listiger weise funden? oder habt jr die
selbst vnder euch gemacht / vnnnd jnen die (souiel
an euch gewesen) dar gebotten. Ihr wißt doch
das jr euch selbst durch viel mühe vnd arbeit nit
habt vergleichen künden / auch ein theil den an-
dern darüber als Sectisch verdampt vnd auß-
geschlossen / das man auch also mit dem Ge-
sprech / vermög des Abschiedts / keins wegs
volnfaren

volsfaren mögen / man hette dan wöllen der ganz
gen verordnung zugegen faren / vñ nichts außreich-
ten. Heist diß dann mit list ein trennung vom ge-
gentheil gesucht: oder soll die schuld ewers eygen-
thums nit billicher vff euch selbst berhuwen / dann
vff andere leut verschoben werden: warumb hat jr
euch dan nit verglichen: oder warumb seit jr nit mit
einer gleichförmigen Opinion zum Colloquio kom-
men: Solt man mit zweien partheien Colloqui-
ren / welche eine die andere selbst verdampt / vñ nit
vor recht Cöfessionistisch / sond vor Sectisch hielt:
oder solt man sich mit denē / so nach außschliessung
der andern blieben / vñ dz feldt allein ingenommen /
als weren sie allein der rechten Cöfession / (welchs
ihnen doch vom gegentheil mit nichten gestanden
worden) ingelassen / vnd für sein gefaren: Wz hetz-
ten die Stende der außgeschlossenen / fürsten /
Herren / vñ Stett / darzü gesagt: meynt jr es sey ein
schertz / einigem Stande im Reich dieser zeit am
Religion frieden den wenigsten abbruch zuthun:
Nöcht jr es auch leiden das euchs geschehe: Vnd im
fall die Sachsischen den platz behalten hetten / dz
man mit jnen / als den rechte Cöfessionisten / für-
gefahren / jr als Sectisch vmbgangen worden we-
ren: Was habt jr dann mhe vñ die alte Kirch ver-
dient / dann sie: habt jr den Ablass allein mögelegt:

K

das

das Papstumb gestürmt: das Bildtwerck auf der
Kirchen geworffen/vñ sie nit: oder ist jr Capitani
nit der erst gewesen: bey welchem sie noch vest stehen
vñ halten/jr aber (wie sie sagen) abgewichen. Was
habt jr dan mehr danck's verdient dann sie: dz man
mit euch billicher colloquiren solt / dann mit jnen:

De bonis
operibus
Confessio-
nariorum.

Sprichst/wir lassen die guten werck beneben
dem glauben bleiben. Das thun sie auch/als acker-
bawen/ Kinder machen/ Schaf scheren / Kühe
melcken/vnd ande der gleichen mehr guter werck.
Wir halten aber auch/sprichstu/von andern guten
wercken/die auß dem glauben herzliessen/als Gott
vñnd den nechsten lieben/Gott vertrauen/Gott
dank sagen/in Gott alle hoffnüg setzen/ sampt al-
lem was in den zehen Gebotten begriffen ist. Wo
bleibt dann Fasten / Betten / Keuscheit halten/
die Welt fliehen / Clöster bawen / Almusen ge-
ben/Betten für die verstorbe/sampt andern deros-
gleichen guthen wercken/so bey der alten Kirchen
für tausent vñ mehr Jaren im brauch gewesen sein/
vnd noch: Sprichst/da halten wir nichts von/
dann es sein menschen fünde/welche den glauben
vnd den verdienst Christi verdunklen/vnd in der
schriffte keinen grundt haben/Hieruff wolt ich dir
gern antworten/vnd hett ein lust darzü/wann es
diese schruffte leiden möcht / darumb muß ichs auch
hie

hie wenden lassen. Doch sag ich soviel darzu/wann
mans recht wil ansehen vnd erwegen/so wirt sich
clar befinden/das ihr Wittenbergische Theologen
eben so wenig vō guten wercken halt/ja auch ewer
lere nach/halten kündt/als die Sachsischen. Die
weil ihr außdrücklich in ewer Confession setzt/wie
auch oben zum andern male gemelt ist/der mensch
werde also geborn/das er Gott nit lieben kündt/
nit künde vtrawen/sich nichts guts zu jme versehē/
fürcht die Göttliche gerechtigkeit nit/zorn gegen
derselben/vñ künde gar kein gute naigung zu Gott
haben. Ist dis ware/dz die natur so gar verkeret vñ
verderbt ist/wie kan sie dann einiger weise durch
Gott bekert/zu jme gewendt/durch jne erleucht vñ
erhalte werden: dieweil dz liecht vñ die finsternuß/
die sünde vnd die gnade/die güte vñ barmherzig
keit Gottes bey vnd mit des Sünders angeborner
halßstarzigkeit keins wegs stehn kündē: Sprichst/
Gott sey Allmechtig. Ist ware/er ist/aber als gut
vnd mechtig er ist/also gerecht ist er auch/vnd ver
mags nicht (dañ er wils nit/es were auch wiß seine
Göttliche natur vñ wesen) dz die sünde vgeben sein
solt/vñ dannoch die sünde da bleiben. Welchs dañ
geschehen muß/solt die natur so ganz vñ gar ver
derbt sein/wie oben gemelt ist/vñ die bildtнуß des
Schöpffers so gar außgetilgt/dz kein gute naigüg

mehr zu Gott bey dem menschen funden möcht werden. Dann das der gegentheil erdichter weise die vergebung der sünde / vnd ansahend gerechtigkeit / von außwendig her dem menschen / als einē Barock ein Kittel / anlegt / ist ein solch ding / wie oben darvon gesagt ist / das ein verstendiger wol möcht lachen. Ihr sagt der gegentheil halt nichts vō gutē werden / wie jr thut. Hinwider sagen sie von euch / jr seit Zwinglisch / vnd haltet nichts von dem waren Leib vnd Blüt des Herrn im Sacrament des Altars / vnd sein mehr leut die es auch gern sagen wolten / vnd nit auß geringer anzaig vnd vermuthung. Dann seit jr nit Zwinglisch / warumb hat jr dann den Zwinglium vnd Calvinum nit verdammē wollen? welches doch ewer mit Colloquēten vnd Adiuncten für billich vnd recht angesehen / auch daruff bestanden / biß sie von euch außgeschlossen sein worden.

Ist diesem nu allem also / wie dann nit verneint mag werden / wie hat man dann in crafft des Abschiedts mit euch im Gespräch fürfaren mögen? Dieweil man nit wissen kundt / welcher theil der Augspurgischen Confession were / oder nit / Auch dem Herrn Presidenten vnd verordneten der alten Religion keins wegs gebüren wolt / solchen Streit zuerötern / dieweil solichs ohne mercklichen nachtheil

Causa Col
 oquij
 penli.

theil vnd beschwerung der einen oder der andern
partheien hett reychen müssen.

Lieber sprichstu/wir keren vns nichts daran/
wir sein der rechten Augspurgischen Confession/
wir wöllen auch darbey bleiben/vnnd vns darnon
nit abdringen lassen. Ich laß es geschehen/vnd
güns euch wol/Aber der gegentheil redt auch eben
also von der sachen/hat auch protestiert vnd seine
Confession vbergeben. Welchem theil soll man
nhu glauben? Vergleicht euch selbst/oder nempt Colloquiff
einen Richter. Vnnd wann jr verglichen seit/so quomodo
kompt ihr noch in zeiten zum Colloquio, sonerz es possit in
die Stende auch für güt ansehen. Anderer gestalt staurari.
müß ihr aber kommen dann vormals/vnnd jertz zu
Wormbs geschehen/auch noch/wie zubesorgen/
ewer vorhaben ist. Dann jr solt vermög des Ab-
schiedts/freuntlich vnd vertrewlich kommen/nit
vorsetzlicher weise zu der victori, sonder zu der ver-
gleichung vnnd zu dem frieden/nit als Richter/
sonder als Consultanten vnnd gemeyner sache ver-
wanten/nit die Papisten zubestreiten vnnd das
feldt inzunemen/sonder die warheit/die Ehr
Gottes/rhwe/vnd einigkeit in der Allgemeinen
Christlichen Kirchen zubefördern. Wolt jr also
kommen/hat es keinen mangel/das Gespräch mag
leicht widerumb ergengt vnnd nochmals etwas

R iij güts.

guts außgericht werden. Dann die der alten Religion sein in alle weg mit euch zuhandlẽ gefast/ es sol kein mangel an jnen erscheinen/ wie auch biß anher keiner bey jnen erschienen ist/ auch anders mit warheit nit gesagt werden mag.

judicium
in causa re-
ligionis
vnde pe-
tendum.

Sprichst/ du wilt wir sollen mit Richter sein/ Wolt ihr dann Richter sein/ vnd die schrifft ewers gefallens außlegen: die streitig articul nach ewern Köpffen richten: vnd vns als Keger verdammen: der Teuffel solt des walten. Ich antwort/ Neyn. Wir wöllen selbst nit Richter sein/ sonder vns/ dem frieden zum besten/ solcher prærogatiua begeben/ vnd euch also den Sack voll messen. Ihr aber solt auch nit Richter sein/ so wenig als wir/ vnnnd also keiner der dieser zeit lebt vff Erden/ damit alle partheyligkeit außgeschlossen werde/ (doch in alle wege der allgemeinen Kirchen ihrer Authoret/ gebrauchs vnd ordnungen vorbehalten) vnnnd also kein theil noch sonst jemandts anders dieser zeit Richter sein/ dann allein die alte vnuerdächtliche Lerer der Kirchen von zeit der Aposteln her/ die alte gemeine Concilia, vnd der selben satzungen/ vnnnd (das ichs mit einem wort begreiff) mit einer oder zwen/ oder vier/ auß denselben/ sonder was jeder zeit das mehrer vnd der allgemein verstand/ haltung vn̄ mainung/ gewesen ist/ demselben auch

bey

bey vns statt zugeben / vnd endlich darbey zublei-
ben. Gefalt euch dieser außtrag / so kan der sachen
durch Colloquia vnd andere gürtliche wege wol ge-
holffen werden. Gefalt der euch aber nit / wie zubes-
orgen / so sucht jr weder die warheit / Gottes ehre /
noch frieden / sonder wöllent ewers eigen kopffs
sein / vnd ewern willen haben. Man wirt auch
durch euch nimmer zu rhuwe noch frieden in Teu-
scher Nation kommen / da doch Gott für sein wöl-
le / vnnnd entweder euch ein besser hertz / oder den
Stenden des Reichs rhat / sinne / vnd weiß-
heit / durch seinen geliebten Sone vn-
sern Herrn vnd Seligmacher
Jesum Christum
verleihen.

Ende.

184p926

DCN 65425039

Handwritten text, likely bleed-through from the reverse side of the page. The text is mirrored and difficult to decipher due to the bleed-through effect.

Handwritten text, likely bleed-through from the reverse side of the page.

Handwritten text, likely bleed-through from the reverse side of the page.

Handwritten text, likely bleed-through from the reverse side of the page.

Handwritten text on the right edge of the page, possibly a library or archival stamp.

irritum a t h hie bou. opam a r d cor

re rebena ad ponere ut ebrio.

Si cepit qm uideant unum qm cor q coedit
no recte dicit uerum cor illud in caluar
sup hauri q p cepit q' r' d' hie hie qui coedit in m a
pce cogit uisoria p ante no uod in aha r' m' d' q
+ uideat a q' d' p' cepit uerum illud uisio no p' r' m'
nat' r' p' l' o' f' o' u' q' h' i' c' e' l' e' p' a' t' q' p' e' u' a' t' i' a' t' i' a' t' i' a'
h' i' c' s' i' c' o' n' t' r' e' u' a' t' f' o' r' m' e' . p' e' c' c' a' t' u' s' e' q' u' e' r' i' t' u' s' h' i'
l' l' y' n' e' r' e' t' a' t' i' o' n' e' a' n' a' s' t' o' m' s' t' a' c' t' u' i' n' e' l' i' n' e' e' r' t' e' r' e'
c' a' s' u' s' h' i' c' e' s' t' q' u' i' d' a' t' u' m' p' e' r' t' o' r' a' n' a' s' t' o' m' e' r' e' a' l' l' e'
o' u' e' d' i' s' a' n' t' e' s' t' i' s' h' i' c' e' s' t' o' r' a' i' d' i' c' o' l' l' e' p' a' t' i' a' e' c'

esumma no oia

uictoria i eda t cocta t finea t
intine m fida in bidia hinc no un

n p rehid hie a t ppar mal of fozim

Impler uenire oia locumina
q hinc a t m d' p' e' r' e' l' l' i' n' a' r' e'
oia cor q' arida. q' no finea uictoria q' m' i' t' u'
d' i' c' e' p' h' i' s' t' o' r' i' a' n' o' n' i' s' t' o' u' i' s' q' u' i' n' o' p' l' i' a' c' o' r' p' o' r' a' t' u' r'
uictoria q' u' i' c' e' r' e' c' e' p' t' u' r' i' n' q' u' i' b' u' s' e' x' q' u' i' a'
u' i' c' t' o' r' i' a' t' m' i' s' t' a' t' u' i' d' i' a' u' e' t' h' i' n' t' r' i' b' u' s' p' r' e'

incau a t h h c bon opam a to coc

to or unnu

est





